

襄垣縣志卷四

士女傳

士女傳者紀其行實主於勸是也例云用華陽國志之名凡賢媛才女皆可立傳不必拘於節孝是其範圍甚廣舊書則宗劉中壘遺意輯爲列女志而子曰烈女烈婦節婦賢婦凡四種一以節孝斷舊例之嚴新例之寬夫固各有當也

烈女

明

馮九金女初許字胡棟因棟貧欲改字女念貧富易操何顏人世遂自縊天啟中學博劉朝薦親往拜祭

清

陳柱女父故母許字於李璽璽歸宗母欲敗盟女不欲投環死士民贈詩輓之立孤女墳

陳珍姐三星之胞妹也母許字於李希言義子後子歸宗三星欲妹改字女聞自縊高邑侯給匾表之烈婦

明

王趙氏傳

襄垣縣志

卷之四 士女傳

王應春妻趙氏年十六適應春春以貧縊死氏年二十三引刀自刎姑張氏哭而謂之曰爾翁亡時我亦有此志以爾夫幼未果今吾婦成之吾無憾矣有司表之

邑人王宗稷爲文以記其貞烈云嘉靖癸丑夏適余耕於甘水之湄有友趙子名鏗者奔告予曰邑幼婦趙氏刎矣事可駭汝其記之予詢其故知趙氏王應春妻也應春爲祖母喪不能舉稱貸鄰人以葬後弗克償遂自縊趙氏欲殉之其姑防之甚密三日後趙氏托爲炊暗持刀刎頸於房中濺血滿地須臾而絕時年二十三歲也聞者莫不哀之邑侯馬公具儀往奠卽日合葬於城西之原予曰烈哉是婦也死生亦大矣夫人孰不好生而惡死則死爲難故爲臣死君爲子死父爲婦死夫一死而三綱舉矣則死而善道爲尤難昔吾邑豫讓爲智伯報讐漆身爲癩吞炭爲瘡潛刺趙襄子五舉不中遂自刎於橋下固有此烈丈夫也今趙氏從夫而終一醮不改痛夫之盡孝而死遂自刎於室中非一烈婦人乎可見吾邑風氣未漓習俗尚淳後人所當則倣者也願執筆而書之付其兄趙天孟刻石於墓以識天地之正氣云

東魯孫雲鵬輓趙烈婦詩二首

古來韓城多義士烈婦從風心自良予適淹留在此居幸見烈婦快心腸芳魂杳杳竟何方或結珊瑚兮列廟廊或凝璫瓊兮珍世藏或化麟鳳兮呈世祥或融玉露兮和瓊漿烈婦烈婦兮邦家光痛夫逝芳年堅心懷自縊多方人秘防不遂殺身計托言供午饌掩戶從以斃引刀輕刎頸鐵石情難

易凜若丈夫行簡冊增烈義直遂天地慘黯黯橫雲蔽予年值薄暮未見此烈婦視死果如歸人品拔  
世粹風化賴以敦綱常全且備紛紛改行婦視此甯無愧

趙洛輓趙烈婦詩

卓哉趙氏人難比誓不偷生作未亡刎頸從夫扶教化隨棺殉葬振綱常魂升碧落天增彩魄降黃泉  
地有光野叟揮毫收汗簡名遺千載永流芳

鄒自省妻郝氏族豪欲污之郝不從引刀自刎有司以聞建坊旌表

申承文妻侯氏崇正六年爲流賊所執痛罵賊立殺之

庠生邢宗齊妻張氏流賊猝至闔門被掠張給賊曰若釋我翁姑及丈夫便當從女賊從之行里許度一  
家去遠大罵賊曰我士人妻豈從賊耶抱幼子投溝死

清

李鄭氏傳

生員李名閩妻鄭氏年十九夫亡矢志死或給之日凡墓封未過百日不敢擅開爾縱死亦不得與爾夫  
同穴也氏諾過百日浣衣沐浴墓祭其夫從者先行挽髮纏頸掛樹枝而絕李邑侯立碑表之

張星祥有詩云

採節搜奇照夜燈案頭披閱動哀矜情深掛樹身爲劍義重牽絲髮作繩志恥二天悲日落心甘同穴

襄垣縣志

卷之四 士女傳

一

恨山崩從容慷慨誰堪比留待他年肅簡升

李小更妻栗氏完婚九日夫就食河南十載不歸翁姑憫其年少詐言小更死欲絕其念令轉適氏號泣  
不食自縊邑侯表其門曰真節烈

鄭敦仁妻邱氏廩生藩周母十八歲守節子未週歲自誓俟子長成舅姑告終卽殉夫地下後至三十四  
歲舅姑壘子入泮遂禁飲食而死了媳馬氏夫故年二十七歲亦矢志守節

王杜氏寓居武鄉墨鏡村家貧歲飢里豪欲以非禮犯之杜以禮自持凜不可近豪乃誘其姑以勢壓之  
見荅於姑杖痕徧體總無二心後豪肆强暴杜疾走墮巖死居人謂巖曰清風巖以上本  
舊志

姚士前妻苗氏夫亡氏辟踊長號曰夫死奚以生爲赴井死

本府志

王陳勳妻劉氏于歸月餘夫亡托其嫂爲夫立後嫂慰允之隨付銀鐲爲信投環而死

李珩妻劉氏二十四歲夫亡後其子亦亡氏曰吾隱忍不死者爲此孤耳今孤亦亡吾何復生遂自縊  
栗清朝妻溫氏二十五歲夫亡殮夫畢卽投環死

李中仁妻崔氏二十八歲守節後因子亡隨自縊

趙秋妻畢氏年二十歲夫涉河被溺氏卽欲投河家人防之得不死越數日乘隙自縊

李海女安寧村人適潞邑生員常必達妻年十九歲必達故李隨自縊

此潞城縣事也以女  
係本邑人附志於此

節婦

元

皇甫慶妻張氏年二十守節以死自誓終身不渝至正五年表其門

史趙氏楊氏傳

史諒妻趙氏未歸夫家即為舅姑終喪及于歸後史門殄瘁趙修婦道生子惠二歲諒卒貧無所依母家勸其再醮趙曰吾未亡人欲從良人於地下久矣特以子少苟延旦夕耳若欲以禽獸行污我當自盡後惠生子嗣宗亦二歲而惠卒惠妻楊氏亦守節鄉人重之後嗣宗生五子二出仕殆天昌其後云

廬陵伍介貞輓史趙氏楊氏詩二首

史家姑婦古稱難勵志居孀淚未乾粧匣鉛華春共掩雞窻燈火夜相看寸心自誓天倫重兩世能全  
祀典完勒石徵文應可待濡毫秋露為書丹

世德名家久不刊明時信史要傳觀人生欲致千金易婦道相承二節難音斷哀絃思別鵲影分清鏡  
惜離鸞而今賴有賢孫子早晚雲霄振羽翰

明

師克己妻李氏年二十守節誓不改嫁紡織自給洪武下詔旌表

劉濂妻衛氏年二十守節恪修婦道事姑至孝有司以聞下詔旌表編修張治為撰節婦碑

增生李高妻路氏二十五歲夫亡誓死守節紡織以養舅姑且撫育二孤教以耕讀長子豸登鄉薦氏年

襄垣縣志

卷之四 士女傳

三

九十有司每餽問鄉人重之

生員崔濟妻常氏二十七歲夫亡誓死守節順事其姑杜門不出豪家求配欲自縊弗得剪髮示之有司

表其門

郝華妻李氏少寡撫子思仁娶栗氏思仁亦卒栗方二十八歲矢死靡他紡織事姑歷三十年姑卒栗負

土封墓察院旌其門曰姑婦雙貞

張伊智妻韓氏生而貞靜明慧其叔治教授諸生說詩至柏舟韓從帳後聽曰為人婦不幸不當如是耶  
及笄適伊智夫亡子幼有里中少年欲娶者韓以死拒之家貧痛兒失學兒出服役於官輒哭兒還輟  
哭會遭兵變韓父母俱殲韓徒跣求父母屍吮血而葬焉少保劉文安公為撰誌銘

清

高文秀妻侯氏年二十二遭瘟疫翁夫俱亡氏匍匐禮葬教子聯十七入泮閭里稱之

馮景成妻趙氏二十六歲夫亡姑老子幼氏奉姑訓子辛苦備嘗守節四十餘年六十六歲終

李之平妻趙氏二十五歲守節家無恆產躬親織紉孝事姑翁子孫成立年六十七歲終王邑侯表其門

曰勁節維風

庠生趙顯宗妻王氏貢生必達母二十九歲守節家貧如洗撫孤成立六十一歲終

曹運利妻李氏二十一歲孀居時二子在抱貧窮無依氏採藜藿為食六十五歲終二子成立

趙韓璽妻楊氏十八歲夫亡訓遺腹子黻祚入庠黻祚又歿撫孫完娶亦亡復育曾孫以承先志  
白崇雅妻韓氏二十五歲喪夫遺子瑄五歲氏教養成名

王士明妻郝氏二十六歲夫亡遺二子俱幼勵志守節孝敬翁姑撫子成立閭里稱賢  
栗嵐妻黃氏二十二歲夫亡孝翁姑撫孤兒後子潤室亦亡教養三孫成立節壽雙全

趙之璽妻王氏武生宏儒母年二十九夫亡姑李氏泣子失明王以舌舐其目四年姑目重明鄉隣稱節  
孝康熙三十五年旌表

常起妻翟氏二十三歲夫亡守節撫孤子孫成立

解柳妻張氏二十六歲守節教子耕讀壽八十卒

崔瑄妻趙氏二十一歲夫亡撫週歲子廷輔成立後以吏任典史家頗富好施子孫與曾孫俱幼而喪母  
氏復撫之成立壽九十有六

監生王永芳妻崔氏年二十二夫亡遺孤甫一歲備嘗甘苦撫育成人年九十有六

郝二妻盧氏夫亡時年二十無子家貧砥志守節壽七十餘朱邑侯表其門

王道亨妻傅氏十八守節至八旬康熙三十五年遵詔旌獎

韓琛妻陳氏二十五歲守節勤儉持家教子成立

廩生李名濂妻郟氏年二十守節教子成名

襄垣縣志

卷之四 士女傳

四

李振翼妻姚氏二十守節訓子成名年八十餘終

米士俊妻郝氏苦志守節三十載不改孀操趙邑侯表曰節比松筠

郝誥妻韓氏年十九夫亡誓不再醮撫孤成立

張朱妻李氏年二十九夫亡事姑盡孝延師訓子長子承仕吏員次子承乾廩生承宣承憲俱歲貢承明  
庠生王邑侯表其門曰克終孝節年九十三終

庠生賈憬妻趙氏夫亡時二十一歲剪髮矢志教前子呈維讀書入庠年八十二卒

邱果妻苗氏夫亡時二十四歲隻身無倚貞靜守節八十七歲終族人以禮葬之

劉聲芳妻邱氏年二十五夫亡親老子幼立誓守節躬勤紡績敬事翁姑四十年如一日

庠生王聘妻張氏早寡矢志守節竭力養親義方訓子長撫夏三撫華俱入庠次撫邦登武舉邑侯汪柳  
各給匾表之

生員趙運妻秦氏年二十一夫亡守節撫孤自甘清貧孝奉翁姑後教二子成立

楊增梁妻武氏二十三歲夫亡家貧守節撫幼子成立

郭應明妻李氏夫亡時二十歲屢遭困厄孀守益堅教子成人年七十而終

廩生郭皇圖妻李氏夫早逝苦守三十餘年子維京又亡遺妻崔氏年幼家貧晝夜紡織敬事孀姑教子  
入泮一門雙節有司表之

李鍾白妻郭氏年二十夫亡子幼氏上事翁姑下教幼子兼撫兩姪成立

以上本舊志

生員鄭爲仁妻劉氏年二十五夫亡苦志守節孝奉翁姑教子助周入泮乾隆元年建坊旌表

郝秀銀妻許氏二十五歲夫亡奉事舅姑孝養備至教子涓成立乾隆十二年建坊旌表

李桓妻張氏夫亡時十八歲繼姪爲嗣守節四十餘載乾隆十九年建坊旌表

李名楚妻劉氏夫亡時二十七歲孝養孀姑撫孤成人守節三十六載邑侯以貞心炳日表其門

生員姚愷妻郝氏二十三歲夫亡念書香不宜歇絕教子執中入泮且能撫諸孫之失恃者俱成立守節

四十九年柳邑侯以冰心匪石表之

李之秀妻王氏年三十夫亡家貧子幼苦志守節歷五十三載邑侯以節壽齊芳表其門

劉天雨妻任氏二十八歲夫亡次年夫兄天雲亦故與嫂馮氏同志苦守任守節三十九年馮守節三十

七年雍正十二年邑侯給一門雙節匾

許展妻李氏二十五歲守節撫孤後子文宰又亡遺媳張氏共矢冰操李壽六十二歲張壽七十二歲邑

侯以竹鬱柏幹表之

楊謨妻王氏二十三歲夫亡翁姑早逝撫子成人婚娶後子又亡撫兩孫成立艱辛萬狀守節五十五年

邑侯以節可陳情表之

崔謙鳴妻韓氏二十七歲夫亡紡績度日教子高入庠壽六十終邑侯以節孝維風表之

襄垣縣志

卷之四 士女傳

五

李起泰妻栗氏夫亡時二十六歲家貧苦守五十二載邑侯以懷清履潔表之

王敏妻史氏二十五歲夫亡家貧子幼苦節完貞六十九歲卒

高廣妻王氏夫亡時二十四歲繼姪爲嗣家甚貧以紡織孝事孀姑七十四歲終邑侯表以節維先後

韓進塘妻牛氏年二十夫亡孝養翁姑撫子魏入庠守節五十二年邑侯表以霜松露蘭

郭祚琦妻王氏夫亡時二十三歲矢志撫孤嘗濟貧周急修道葺橋壽七十六歲邑侯旌節賢茂著匾

趙軒妻李氏十九歲夫亡撫子國望婚娶後亦亡遺媳連氏姑媳孀居共矢冰操壽六十一歲

王起鼎妻郝氏二十七歲夫亡孝養翁姑教子入泮壽八十邑侯以節孝可風表之

栗舜室妻李氏二十六歲夫亡姑老子幼守節四十七年邑侯給志潔冰壺匾

王燦庭妻王氏二十九歲夫亡家貧子幼苦志守節子道善道中俱入泮兼撫孤姪成立守節四十年

郝士宮妻王氏夫亡時二十五歲家貧紡績自給守節四十四年邑侯以節孝流芳表之

陳于晉妻趙氏二十八歲夫亡苦志守節壽八十二邑侯匾曰荻訓霜操

王振明妻陳氏係崇文里夫亡時二十八歲家貧繼姪爲嗣紡織度日守節四十六年邑侯旌以松筠媿

美

賈紹周妻路氏增生慶餘母二十五歲夫亡孝奉翁姑義方訓子八十三歲猶勤儉持家長孫攀鱗食餼  
次孫培鱗太學曾孫俱業儒邑侯給匾曰閨閣儀型

趙欲仁妻劉氏夫亡時二十一歲守節撫孤年六十二歲

生員劉遇堯妻李氏二十五歲夫亡家貧無子守節四十一年邑侯給匾曰志行足嘉

廩生崔均妻趙氏夫亡時二十五歲翁老子幼氏矢志守節事親至孝教子毓龍入庠孫亦成名邑侯給節茂松筠匾乾隆三十七年建坊旌表壽八十終

王夢說妻路氏廩生衷禮母年二十三而寡時禮未週歲氏守節撫孤勤儉持家課子督孫皆未冠入泮壽七十二終邑侯給清月寒潭匾乾隆四十三年建坊旌表

韓積玉妻郭氏夫亡時二十歲家貧守節次年夫兄進玉亦亡與嫂郭氏辛苦紡織孝養雙親各守節三十餘年邑侯以節孝同芳表之

監生趙禹慧妻李氏年二十二夫故無子矢志守節奉事孀姑抱姪秉庚爲己子夫嗣不絕

生員韓祚永妻蘇氏夫亡時二十二歲雙親垂老氏矢志守節竭力孝養歷三十二年邑侯表曰節操冰霜

張受祿妻白氏夫亡時二十七歲家貧子幼翁姑俱歿夫嫂勸其改適氏情願撫孤紡績度日尋伯死嫂病親爲調養四載不倦嫂亡遺一女撫養如己出守節二十六年卒

王國昌妻燕氏年二十五守節事翁姑以孝聞育姪爲子尤好善樂施於夏店鎮楊家溝創建石橋邑侯以守節好義表之

襄垣縣志

卷之四 士女傳

六

栗會室妻馬氏二十五歲守節八十一歲終

王封侯妻郭氏二十五歲夫亡家貧子幼紡織度日壽七十七終邑侯給匾曰柏榦蘭芽

李龍池妻栗氏夫亡時二十四歲勤儉持家撫孤成立

劉尙堯妻楊氏二十二歲守節七十歲終

趙瓊妻陳氏二十四歲夫亡持家勤儉訓子成名邑侯給匾曰松花棣萼七十二歲終

王彥臣妻任氏二十四歲守節艱辛備歷孫子衆多年近八十卒

李生庫妻路氏二十四歲守節七十九歲終邑侯給匾曰勁節永昭

張萬年妻許氏二十八歲守節五十二歲終

孫來成妻張氏二十八歲守節邑侯給節媿冰霜匾

張榮鳳妻白氏二十八歲夫亡年逾六十卒邑侯給匾曰節超巾幗

白全初妻崔氏二十五歲守節七十九歲終

馬生增妻尙氏夫亡時二十八歲孀姑失明孤子早喪兼家貧無賴氏茹苦養姑姑死竭力營葬鄉人賢之

劉培德妻常氏二十一歲守節家貧親老氏紡績奉事撫孤成立

武進友妻蕭氏夫亡時二十八歲孝事孀姑撫孤成立

魏成祚妻杜氏二十二歲守節親老子幼氏仰事不懈俯育有方鄉人稱之  
魏琳妻龔氏二十四歲夫亡親老子幼家道艱窘氏獨力自持子孫成立  
生員馬大健妻李氏二十三歲守節事親孝謹撫孤成立邑侯以節孝功成表之七十三歲卒  
趙珣妻馮氏十九歲夫亡遺子有君方一月氏撫養成人事姑孝逮下慈恪遵婦道蔡學憲給匾曰古雪  
筠青壽七十六終

郭天錫妻李氏二十三歲夫亡二子俱幼教養成人五十六終

鄒永柱妻霍氏二十一歲守節繼姪爲嗣年七十二歲

張慶妻趙氏二十二歲守節七十九歲終邑侯表曰松操永茂

李進臣妻宋氏二十一歲守節撫孤四十餘年卒

史加筆妻郭氏二十七歲夫亡矢志守節紡織度日壽七十四歲

常樂妻郭氏二十二歲守節遺孤尚在襁褓教養成名

常萬榮妻董氏二十九歲夫亡事親教子賢德堪稱守節四十二年而卒

趙鮮妻邱氏二十二歲夫亡遺子三歲氏守節撫孤終始不渝

李泌妻孫氏十八歲夫亡苦志撫孤守節四十餘年

武天保妻王氏二十五歲守節歷三十餘年邑侯給節勁冰霜匾

襄垣縣志

卷之四 士女傳

七

李崇珣妻許氏十九歲守節壽七十七歲邑侯給節壽雙高匾

陳海川妻孟氏二十二歲夫亡翁已垂老子方弱齡氏冰霜自矢上而生事塋祭婦兼子職下而教養婚

娶母同嚴君壽七十二終邑侯給壺節松筠匾

郭廷勛妻王氏二十五歲夫亡姑老子幼度日維艱苦守四十餘年

高軒妻李氏二十一歲夫亡遺子三月家貧如洗矢志苦守歷四十餘年

楊維浩妻楊氏二十三歲夫亡撫孤成立守節五十九年

李季白妻栗氏二十歲守節孤子三歲撫育成人邑侯給匾表之六十二歲終

張瑤妻王氏二十歲守節邑侯給匾曰柏舟繼美壽七十三歲

王月瑞妻賈氏二十九歲夫亡守節三十年五十九歲卒邑侯給矢志無他匾

邢日朝妻李氏二十一歲守節事親撫孤年六十歲

增生李茂生妻馮氏孝事翁姑撫子成立苦志完貞

王帝廷妻賈氏二十八歲守節撫子道邃又亡遺媳韓氏年方十九姑媳苦守各歷三十餘年

楊令言妻邢氏二十六歲夫亡未幾夫弟生員紹曾亦亡邢與弟婦李氏同志苦守四十餘年邑侯給節

孝齊芳匾

郝昌元妻李氏夫亡時十九歲紡績爲生撫孤成立守節四十三年邑侯以苦節撫孤表之

生員李時蘭妻郭氏二十八歲夫亡孝事孀姑撫前子成人育幼姪如己出守節四十三年

栗輅奇妻趙氏二十四歲守節紡績度日矢志靡他壽七十一卒

李士選妻岳氏

以上本府志自栗會室妻馬氏下補傳岳氏無憑查補

張典妻牛氏二十守節八十餘歲卒康熙五十四年柳邑侯給匾表之

張瑾妻陳氏年二十守節七十餘歲卒

王茂年妻路氏二十八歲守節近族無依屢遭飢饉貞志不變八十餘歲卒

李之敏妻崔氏二十七歲夫亡遺子三歲盡心撫育六十餘歲諸孫林立

賈光鼎妻栗氏二十五歲守節親老子幼孝慈兼盡六十餘歲子亡同媳孀居教孫耕讀柳邑侯給匾表

其門

張佳玉妻連氏二十四歲夫亡守節三十餘年雍正四年李邑侯以節孝維風表之

生員連起祿妻李氏二十三歲夫亡守節四十餘年

栗周眷妻李氏二十七歲守節子方週歲氏紡織度日艱難萬狀年九十二歲孫男三曾孫六元孫一李

邑侯給匾松石堅貞

張謁妻郭氏二十三歲夫亡矢志守節歷四十餘年卒李邑侯給守貞裕後匾

襄垣縣志

卷之四 士女傳

八

趙之璘妻王氏因乏嗣勸夫娶任氏女爲妾生三子夫亡任年二十五歲王義撫諸幼勤苦持家與任共

守節三十餘年雍正九年劉邑侯給匾表之

吏員李于璠妻王氏二十七歲夫亡守節五十年雍正十二年張邑侯以孀操荻訓表之

連耀明妻李氏二十七歲守節紡織不倦撫孤成立八十歲終雍正十三年張邑侯給匾表之

郭崇霄妻常氏二十五歲夫亡事姑克孝撫孤成人守節五十餘年張邑侯給節孝可風匾

趙之珽妻路氏年二十七夫亡矢志守節教子梁讀書入泮年八十餘卒乾隆元年李邑侯給以貞媛壽

母匾

崔起元妻劉氏二十七歲守節家貧子幼氏并日勤勞教子秀雅入泮乾隆二年嚴邑侯給雪凜青松匾

連有妻張氏十九歲守節撫遺腹子成立嚴邑侯給華茂春松匾

王經襄妻趙氏二十歲守節家貧如洗撫子成立壽七十餘終

王爲邦妻高氏二十七歲夫亡家貧子幼苦志守節年逾六十嚴邑侯給匾曰冰霜勁節

張性朴妻連氏三十守節苦志全孤嚴邑侯給柏舟冰矢匾

賈玉品妻李氏二十六歲夫亡家無寸土翁姑未葬氏竭力葬親撫子成立嚴邑侯給匾曰獨爲其難壽

逾七十卒

邢進生妻栗氏二十七歲夫亡苦志守節五十餘年嚴邑侯以節孝賢媛表之

劉三畏妻范氏三十歲守節奉姑撫子年逾六十嚴邑侯給貞孝啟後匾  
邱頂高妻張氏二十七歲夫亡事姑教子守節三十餘年嚴邑侯表其門曰節孝幽閒  
韓朗妻王氏青年守節子方週歲紡織度日撫子成立嚴邑侯給節並蓮芳匾  
齊忠賢妻李氏三十歲守節事親撫孤六十歲卒  
李自展妻梁氏三十歲守節孝親撫孤子孫繁衍年七十嚴邑侯給克全婦道匾  
韓義妻路氏二十七歲夫亡守節三十餘年撫孤成立  
生員李可常妻栗氏二十九歲守節奉養孀姑教子成名歲歉出粟賑飢八十七歲終嚴邑侯給節榮奕  
業匾

邱獻全妻倪氏二十二歲夫亡奉姑教子歷盡艱辛守節四十餘年  
趙宋妻王氏二十九歲夫亡三子俱幼家貧如洗紡織自給乾隆八年徐邑侯以閨闈芳徽表之  
任聖考妻許氏二十三歲夫亡紡織度日撫子成立徐邑侯給閨闈儀型匾  
姚瑞妻栗氏二十歲守節年七旬徐邑侯表其門曰勤劬節壽  
董維俊妻趙氏二十八歲守節八十四歲卒乾隆九年陳邑侯給壺範堪風匾  
郝養性妻楊氏二十九歲守節晝夜紡織撫子成人陳邑侯以節凜冰霜表之  
崔世爵妻范氏三十歲守節三子俱幼氏紡績度日撫子成立陳邑侯給德昭壺範匾

馬學秀妻魏氏生員履泰母二十九歲守節年八十終陳邑侯給匾曰閨闈完人  
孫洪瑞妻邱氏二十歲守節孝親撫孤歷三十餘載陳邑侯給匾表之  
生員李評妻崔氏二十一歲守節奉親撫孤終始不易乾隆十二年鄒邑侯給匾表之  
賈開基妻郎氏二十三歲夫亡親老子幼紡績度日守節四十餘年  
王伏龍妻郝氏三十歲夫亡撫子成立守節四十餘年  
任國祚妻李氏夫亡時二十一歲矢志守節事親撫孤歷四十餘年  
生員史希聖妻崔氏二十歲守節事姑教子歷四十餘載乾隆十五年璩邑侯表曰節孝可風  
李淳生妻邢氏二十八歲守節取姪爲嗣璩邑侯以全節冰貞表之壽八十五歲  
楊招鳳妻李氏二十九歲夫亡家貧無倚矢志守節璩邑侯給節壽全人匾  
郭景安妻張氏二十四歲夫亡撫孤成立苦守四十餘年  
桑逢春妻倪氏二十四歲夫亡遺子一月剪髮自誓守節歷四十五載  
王康侯妻賈氏夫亡時二十四歲紡績撫孤守節五十餘年乾隆十六年趙邑侯給冰操鶴算匾  
王文友妻連氏二十八歲夫亡矢志撫孤守節四十餘年  
王澤禮妻張氏二十八歲守節七十四歲卒  
生員郭崇固妻高氏二十七歲守節上無翁姑子方三歲氏冰霜自勵紡績度日趙邑侯給柏節松齡匾

張前妻燕氏二十七歲夫亡奉親撫孤八十餘歲終

米士顯妻田氏二十歲守節孝養公姑教子成人年六十餘趙邑侯表其門曰勵節撫孤

秦秀妻李氏年十八夫亡子方一歲茹荼苦節歷五十餘載乾隆十九年李邑侯給匾表之

張玉景妻郭氏二十一歲守節奉親撫孤艱辛備歷李邑侯給節壽堪揚匾

常自美妻張氏三十歲守節七十餘歲卒

邢三元妻李氏二十六歲守節善養翁姑曲成後嗣年七十卒

楊繼武妻路氏二十八歲夫亡矢志守節撫子成立歷三十餘年

李成文妻馬氏係西王橋村二十九歲守節紡績度日教子成立歷四十餘年

栗長妻宋氏三十歲夫亡孝親訓子成名三十餘年

郭明仁妻崔氏十七喪夫矢志苦守歷四十餘年不易其操

李端妻栗氏三十歲夫亡訓子成名守節四十餘年

王新貴妻黃氏二十六歲守節事親撫孤壽七十餘卒

趙明山妻劉氏三十歲守節事親撫孤孝慈兼盡李邑侯給匾表之

李文全妻武氏二十八歲夫亡矢志守節撫孤成立安邑侯表之曰苦志守貞年七十八歲

郭子貴妻張氏二十六歲夫亡矢志守節教子成名乾隆二十九年高邑侯給匾表之八十五歲終

襄垣縣志

卷之四 士女傳

十

郭子敦妻邢氏夫亡時二十七歲撫孤成立乾隆三十年賈邑侯給操同松柏匾

趙崇雨妻張氏二十六歲守節貧無寸土紡績自給年七十三歲

馮國忠妻李氏夫亡時十九歲苦志守節七十七歲終賈邑侯表以勁節堪風

蕭建榮妻孫氏二十八歲夫亡矢志撫孤守節四十餘年

郭生祥妻崔氏二十九歲夫亡事親撫孤年八十餘卒

賈萬枝妻馬氏二十五歲守節撫二子成立現年八十三歲賈邑侯給以壺節松筠匾

劉伏懷妻李氏二十一歲夫亡無子上事孀姑下育繼子苦守四十餘年

郭光明妻王氏二十五歲夫亡事姑克孝育子成人守節四十餘年

武悅妻常氏二十五歲守節歷五十餘年不易其操賈邑侯給松操永茂匾

楊淇妻郝氏年二十五夫亡家貧守節子孫成立壽七十三卒賈邑侯給守貞啟後匾

李道源妻霍氏二十一歲守節繼姪爲嗣三十餘年卒

李思溫妻邱氏二十五歲夫亡苦志守節歷三十二載卒

王萬月妻范氏二十九歲守節年六十有九

袁智妻史氏二十五歲夫亡撫孤成立守節四十餘年

張俟召妻楊氏二十六歲夫亡姑老子幼紡績度日守節四十餘年

王月華妻李氏夫亡時二十七歲家貧撫四子成立年七十有餘賈邑侯給匾曰勵操撫孤

王承璽妻張氏二十六歲守節家貧如洗子亦早亡艱辛備歷年七十有五

李經世妻王氏二十七歲守節壽逾八十一子二孫俱列膠庠

賈友寧妻張氏二十三歲守節孝親撫孤勤儉持家年七十一歲賈邑侯給志潔冰霜匾

翟明謨妻王氏二十八歲守節撫子成立歷三十餘年

陳尙敬妻張氏二十四歲守節奉親撫孤勤儉持家三十餘年不易其操賈邑侯匾曰節孝可風

梁有妻劉氏二十七歲守節年七十有餘

王興昭妻韓氏二十歲夫亡撫孤成立守節四十餘年

曹天爵妻霍氏年二十七夫亡守節歷四十餘載乾隆四十六年士民公舉給以柏節松齡匾

白瑄妻苗氏二十六歲夫亡養親撫孤艱辛備歷年五十四歲

邢才舉妻李氏二十二歲守節事親克孝撫孤成立年七十五歲

生員李棕妻王氏二十歲守節家貧子幼備歷艱辛年五十卒

李藪妻張氏二十五歲守節事親撫孤紡績度日撫孤成人現年六十歲

姚祚藩妻郭氏二十五歲夫亡家貧子幼紡績度日撫孤成人現年五十九

趙同試妻姚氏夫與兄共溺於河嫂改適氏獨守節不易年五十六歲

襄垣縣志

卷之四 士女傳

十一

王會妻張氏二十八歲守節家貧養親撫孤歷三十五年

連進玻妻李氏二十八歲夫亡家貧如洗子少亡氏紡績度日苦志守節現年七十六歲

張鈞妻解氏二十七歲喪夫矢志守節養親孝謹撫遺腹子成立現年六十歲

郭明德妻賈氏二十三歲夫亡姑老子幼矢志守節年六十一歲

王在妻苗氏二十五歲夫亡家貧守節撫孤成人年六十一歲

郭厚妻米氏十九夫亡孝親撫孤守節三十八年

韓适妻倪氏十九夫亡家貧如洗矢志冰霜子法天又亡遺妻張氏二十三歲子尚襁褓姑媳孀居倪守

四十餘年張現年六十一歲一門雙節閭里稱賢

趙純義妻牛氏二十三歲守節奉養翁姑訓子成名年六十歲

生員崔毓峯妻李氏二十五歲夫亡事姑克孝撫子成立年六十一歲

王振民妻申氏十九夫亡矢志守節教子九錫成名現年六十歲係安德村

羅妻桑氏二十四歲夫亡矢志守節奉親教子紡績惟勤現年六十四歲

李海妻秦氏二十一歲守節教子成名年六十三歲

李儉勤妻苗氏二十五歲夫亡事親孝謹撫孤成立年六十餘卒

張旭妻栗氏十九夫亡家貧守節年七十八歲

張文郁妻武氏二十二歲夫亡矢志守節年五十有九  
張京召妻邢氏二十六歲守節勤儉持家訓子成名年六十九歲  
張應生妻栗氏十九歲守節孝姑成家曲全宗祀年六十歲  
秦德財妻李氏十八歲守節事親孝謹撫孤成立年六十五歲  
李杜妻池氏夫亡時十七歲撫遺腹子成立苦志守節七十二歲卒  
生員馮進朝妻李氏二十一歲夫亡矢志守節撫二子成立年七十終  
趙袍妻王氏二十五歲夫亡孤子甫三齡家貧紡績撫子成人八十四歲卒  
生員張沂妻王氏于歸後夫失明氏服事盡職二十六歲夫亡矢志守節撫子育孫年六十八歲  
張光湯妻劉氏二十六歲夫亡一月內翁姑俱歿遺子未週家貧苦守節五十三歲卒  
張炯妻弓氏二十七歲夫亡撫孤成立備歷艱辛年六十三歲  
張金樑妻梁氏二十六歲守節孝事繼姑撫子成立年六十四歲  
張學士妻王氏二十八歲守節事親孝謹撫遺腹子成人年六十四歲  
白自賢妻張氏二十二歲守節孝養翁姑撫孤成立年八十五歲  
趙之耀妻牛氏二十七歲夫亡守節五十餘年  
楊維進妻王氏夫亡二十五歲守節五十餘載壽七十五卒

郭有章妻孫氏二十五歲守節年七十八卒邑侯給節壽賢良匾

王傳妻李氏三十歲守節年八十歲

李進賢妻趙氏十九歲守節繼姪爲子奉姑不懈年五十八歲

孫大中妻馬氏二十四歲夫亡撫孤萬鱗婚娶後亦亡遺媳韓氏二十三歲姑媳孀居馬年七十八韓年

五十八

生員李春苾妻郝氏二十四歲守節勤儉持家子孫成立年六十一歲

李道生妻郭氏二十七歲夫亡家貧子幼紡績度日苦守四十餘年

張奇品妻崔氏二十五歲夫亡矢志守節撫子成人年七十歲

李成文妻王氏二十歲守節七十七歲終係桃樹村

馮君助妻劉氏二十歲守節事親撫孤冰操不易年八十一卒

馮文燦妻王氏二十三歲守節撫孤成立六十九歲卒

馮永安妻趙氏二十五歲夫亡矢志守節孝事翁姑撫孤成名現年六十六歲

趙先文妻張氏二十五歲守節六十三歲卒

向體惠妻連氏二十歲守節現年七十三歲

陳海峙妻黃氏二十八歲夫亡甘貧守節撫孤成人年六十歲

生員郝震楚妻姚氏二十八歲守節苦志撫孤年逾七旬而卒

生員王天一妻郭氏二十一歲守節紡績度日抱姪爲嗣現年六十

郭安柱妻李氏二十五歲守節翁啞子幼兼之家貧苦志全貞歷三十五載

張成德妻馬氏二十五歲守節遺孤三齡外無近族內無仰瞻氏矢志靡他現年六十有二

生員崔英妻王氏二十四歲守節撫孤六十一歲卒

韓岱妻傅氏二十三歲守節奉姑育子備歷艱辛現年六十二歲士民公舉給以節凜冰霜匾

李王藩妻張氏二十二歲守節教子漢弼成名訓姪漢棟漢柱漢杰相繼入泮家業克紹鄉里稱之

生員李鍾璘妻申氏二十九歲孀居未幾夫弟吏員鍾英亦故遺妻任氏二十四歲二氏矢志同守申現

年六十任亦歷三十載

崔翔妻郭氏二十八歲夫亡家貧如洗所遺翁柩幼子死生無倚氏紡績營生上而竭力葬翁下而教成

二子苦節三十餘年孝慈兼盡柳邑侯表其門曰節操可風

常生滿妻王氏二十四歲守節撫孤教子煥文成名苦節三十九年李學師表其門曰志節冰壺

李煥林妻秦氏夫亡二十一歲矢志守節撫子成立

邢惠中妻苗氏二十四歲守節紡績營生上事老翁下撫幼子苦節四十餘年現年六十九歲

賢婦

襄垣縣志

卷之四 士女傳

十二

知州賈待旌妻趙氏爲夫娶妾生子撫養如己出慈訓成名闔邑稱賢贈宜人

趙雲梯妻崔氏好善嫻禮識字知書嘗以未事翁姑爲憾祖翁邦甯年九旬奉事惟謹餽飯三年絕無倦

容撫養在廷等三子成人所出三十餘丁七十一歲終邑侯表之

以上舊志

王家璽妻周氏性仁慈識大義撫姪與姪孫如同己出見隣里急難周濟惟恐不及年七十四歲卒

本府志

貢生郭倬妻馬氏夫故於康熙六十年歲歉糶粥賑飢施米五十石趙邑侯匾曰女中丈夫

楊振全妻茹氏嫂病故遺姪無依氏撫養成人鄉人賢之

增生白璵妻張氏奉事孀姑勤勞盡道隆師教子周窮恤匱鄉黨稱賢

王洪禹妻馬氏于歸十餘載夫亡氏念村居鄉僻久無文學之士因竭力教子輔名入膠庠由是鄉人始

知慕學賈邑侯給匾表之

庠生白璵妻賈氏少嫻姆訓夫疾臥榻歲餘親奉藥餌毫無怠志及夫卒遵遺囑教子知來入太學啓來

廩膳生學師以教成畫荻表之

李玉廷妻王氏鄉人稱賢司馬給匾表之

郭廷助妻張氏孝姑敬嫂全孤撫姪現年八旬

白天位妻張氏青年孀居姑右股跌傷氏扶持餽飯毫無倦容和妯娌睦里隣鄉黨稱賢

賈悅妻韓氏夫亡紡績自給仰事翁姑生養死葬俯育其子大儒成名內和妯娌外睦親戚鄉人稱其賢

淑

節婦補遺

郭天朋妻牛氏二十一歲夫亡矢志守節四十七年六十八歲終 民國十二年王傑妻周氏因守苦節於乾隆己丑年賈知縣給匾曰懿儀懋著以表揚之

李永瑞妻梁氏二十六歲夫亡守節過人鄉黨稱善奉養翁姑教訓子孫嘉慶二十年馬知縣給匾曰節孝可風

監生張近漳妻梁氏夫故子甫九齡撫孤成立守節三十餘年知縣常給匾節備孝慈

王起祿妻郝氏二十五歲守節撫子成立邑侯給匾曰婺耀松森壽至八十五歲路唐儒妻馬氏苦守勁節撫子永興嘉慶三年儒學訓導楊給匾曰節孝齊芳

續志列女

節孝

道光二十六年舉報節烈孝婦六十九名業奉詳請旌表總建牌坊於潞郡南關矣在昔請旌之日各著志行迄今散佚之餘無從考證暗中摸索既虞實不相符任意鋪揚終覺詞多鮮當要其際遇攸殊操行不一或賦黃鵠於青年或守孤鸞於白首或孝事雙親唯冀竭誠盡慎或撫養孤子務求立德成名更有家貧如洗勤紡織而節凜冰霜事變非常歷險危而志堅鐵石至如投環絕粒慷慨殉夫剪髮毀顏從容

襄垣縣志

卷之四 士女傳

十四

就義類皆有懷清履潔之操允足為勵俗維風之化爰將姓氏悉著簡編

陳汝亨妻苗氏

楊進倉妻趙氏

李九經妻向氏

栗金林妻牛氏

劉晉彰妻趙氏

弓存來妻王氏

米繼成妻郭氏

郭萬青妻趙氏

李宜讓妻史氏

李建源妻梁氏

高永升妻郝氏

李儒珍妻韓氏

郝子瑞妻賈氏

趙嗣訓妻李氏

趙覺魁妻韓氏

楊繡林妻陳氏

李位顯妻郭氏

韓九會妻王氏

員職

趙守廉妻張氏

王廷壯妻張氏

郝秉仁妻王氏

趙文溶妻李氏

張廷華妻章氏

趙 澧妻王氏

張文秉妻李氏

李 梓妻李氏

生貢

趙守謙妾武氏

趙 源妻張氏

張廣有妻許氏	高永豐妻李氏
王永清妻趙氏	焦保妻劉氏
許守道妻王氏	申育月妻常氏
張化章妻李氏	崔永成妻史氏
武占鼈妻李氏	韓錫民妻馮氏
韓緒妻趙氏	趙培栽妻馬氏
馮履祥妻魏氏	張游妻崔氏
趙存心妻李氏	王廷玉妻米氏
趙存理妻向氏	李毓嶮妻秦氏
張慶常妻范氏	趙廣宗妻郭氏
李將仕妻趙氏	高攀鳳 <small>妻張</small> 氏
張潢妻趙氏	張作栗妻楊氏
李清才妻楊氏	<small>員生</small> 趙玉芝妻李氏
張大桂妻趙氏	劉玉振妻李氏
趙映維妻李氏	郭萬倉妻王氏

趙烈妻李氏	馮得芳妻田氏
趙守約妻李氏	許憲妻申氏
張作瀾妻陳氏	趙澍妻李氏
郭培仁妻趙氏	趙玉柱妻韓氏
李超瀛妻季氏	

郝安富妻楊氏二十七歲夫亡遺子甫七月家貧如洗氏勤紡績茹冰蘖事孀姑撫孤子守節五十餘年子映文以鄉耆授六品軍功長孫儒魁拔貢季孫儒英廩生郝門一線不絕皆氏之功德也咸豐十年詳請旌表節婦八十一名總建牌坊於儒學西偏

趙鳴玉妻史氏二十六歲夫亡家貧親老子尚幼氏仰事俯育不遺餘力且以紡織伴子讀書尤見苦心以守節終

武攀桂妻宋氏二十四歲守節上事雙親下撫孤子艱苦備嘗終身不倦

申灝妻趙氏二十三歲夫故翁姑相繼逝內外無依氏毀粧自誓撫孤成立鄉里重之

姜天祿妻李氏溫柔敦厚夫故時二十六歲清操自矢教子成人大有婦德守節四十餘年

張興仁妻常氏二十四歲守節姑老氏先意承志奉養無違子幼病瘡泣禱先靈求庇延祀後旋愈人以爲至誠所感

秦萬春妻張氏二十四歲守節家貧無資紡織自給事親教子人稱賢良

生員王建功妻張氏性至孝二十八歲夫亡遺一子甫二齡鞠育顧後備極艱辛守節四十九年

陶示泰妻白氏二十二歲夫亡孝慈兼盡守節四十餘年子孫繩繩人服其盛德

李霖川妻李氏夫故時年三十歲奉姑溫和守節三十一年

武大全妻申氏二十四歲夫亡翁姑早逝虔誠致祭每以不及生養爲憾遺子四齡撫養尤至守節三十二年

傅永祥妻向氏夫故時年二十八歲家貧無嗣內外鮮依矢志無他紡織度日撫姪子教養成人夫嗣不絕

張鴻禧妻李氏二十九歲守節奉親教子兩無遺憾守節二十七年

李秉溫妻范氏二十九歲夫亡苦志守節操行不苟撫二子成立以奉先祀鄉黨贈之曰節孝可風

李有溫妻王氏十八歲夫亡無子有勸其改適者氏曰人不能啓後獨不可奉先乎遂孝事孀姑克盡婦

職守節三十三年

連九珠妻楊氏二十一歲夫亡無子翁姑年邁生事葬祭備極其誠取堂姪爲嗣以承先祀守節三十餘年

增生李資深妻路氏二十九歲守節姑年八十餘孝事尤謹撫孤映洙機聲伴讀不間寒暑後子入庠食

襄垣縣志

卷之四 士女傳

十六

饒王學師表其門曰彤管揚休

任起洪妻邢氏十八歲夫亡遺孤數月安貧撫育訓養成入守節三十餘歲

王太妻栗氏二十九歲夫亡乏嗣取姪爲子愛如己出年七十六歲

王泰明妻韓氏二十六歲夫故翁姑早逝撫孤成人養而兼教孫子林立同堂四世雍睦可風守節四十七年

王禎福妻侯氏二十七歲守節翁姑多病氏竭誠服事數年如一日撫弱弟成立曲盡苦心壽六十七終

崔岐泰妻任氏二十八歲守節奉事翁姑色養無違遺孤多病撫育尤周聞者賢之

魏紹謙妻王氏二十九歲夫亡姑老子幼仰事俯育終身無異志鄰里善之

郭倫元妻孫氏二十九歲守節孝事病姑朝夕不倦姑甚德之撫姪子如己出教養成人賢稱閭里

劉一畏妻蕭氏二十二歲夫亡姑亦失明氏出入扶持略無惰志撫孤成立尤足爲宗祀光

李高妻常氏二十六歲失偶家貧子幼有奪之使嫁者氏嫉之如仇守節三十四年

栗師孟妻張氏二十四歲夫亡姑每悲傷不已氏引子戲於親前曲解其憂稍長卽使之往學鄰里有改適者恥道之守節四十年

張從龍妻李氏二十四歲守節事親孝撫姪勤家雖貧而不厭糟糠學師以鶴潔松貞匾贈之

苗多安妻趙氏二十八歲夫故翁姑亦逝遺子方離襁褓氏撫育成立別無異志且天性純篤好施予不

苟言笑嘗以不能濟物爲恨鄉里善之

李文光妻崔氏二十六歲守節翁姑有病嘗默禱愿以身代撫孤與姪視之如一雖家貧無資而淡然自甘

李國柱妻栗氏二十六歲夫亡家貧子幼氏茹荼飲水縫紉度日且訓子維勤絲粟必重出入必面人謂其有嚴父風

王道治妻李氏二十六歲守節時值歲飢紡績度日苦不可言且撫子身親課讀不令與村童狎處學師以貞靜幽閒匾獎之

張大壯妻周氏二十二歲夫亡翁隨歿姑傷夫悼子氣忿失明氏朝夕扶持奉事不怠遺子僅八月撫育之勞心力俱悴張氏一脉賴以不墜

王永全妻邱氏于歸時翁姑年高孝養無虧二十九歲夫亡遺四子前生者一氏待之無少殊守節五十年

王用中妻尙氏二十五歲夫亡奉事孀姑克盡孝道撫孤四歲不稍姑息漸長令讀書偶廢學即忿怒不食守節三十餘年

生員王建中妻汪氏二十七歲夫亡遺一子尙幼翁姑恐有異志每以姑媳妯娌之守節喻之氏泣對以奉親撫孤爲愿迄今三十餘年一門三節風格凜然子鏞弱冠入庠名噪儒林皆氏之力

連培元妻高氏幼卽以孝聞姑聘爲子婦于歸後事姑如母二十七歲夫亡撫子成立備見苦心

連守富妻郝氏二十六歲夫亡姑有腿病氏事之委曲如意撫子元亨情同嚴父人稱端謹士稟母教也

鄭榮先妻姬氏二十五歲夫亡無子堂兄耀先六子氏取三子繼之繩繩不絕次子九經入太學孫蘭臺入邑庠皆氏之功德也

馮寅泰妻趙氏十九歲夫亡無嗣姑患腹病氏晝夜與姑同室躬親服事取姪爲嗣撫如己出後爲子擇杜氏未婚失明氏憐之多方護持使子婦和睦尤人所難守節四十九年

張金銘妻趙氏二十九歲夫亡無子翁姑染病數年氏服事始終無間撫姪爲嗣教養備至守節三十四年

崔德成妻范氏事姑孝二十二歲夫故子幼鄰人以改適勸之氏曰上有孀姑下有遺子豈忍落他人手乎遂立志守節鄉人嘆服

武天文妻孫氏二十四歲夫亡無嗣悲不自勝每不欲生姑婉言勸喻取姪爲嗣孝姑教子終始如一守節三十一年

張映斗妻張氏二十九歲夫亡事親不怠教子成人守節三十九年

張育檜妻韓氏二十八歲夫故事親教子無愧婦職守節四十六年

王克寬妻楊氏二十五歲失偶事姑貧而能孝無子可守然志不可奪生有二女遂依婿爲生邑侯張公

倪公給粟周濟人爭傳之

李春和妻張氏奉姑最孝二十九歲夫歿較夫存而倍篤姑賴以安且乏嗣遺女尚幼母女紡績爲生淡泊自安終身無他志守節三十三年

王秉安妻傅氏夫亡二十七歲事姑最孝撫螟蛉無異所出守節三十六年

范宗皋妻王氏于歸後夫宿有殘病氏賓敬無嫌及夫歿氏年二十五歲上事老姑下撫幼子孝而兼慈克盡婦職守節三十餘年

原善堯妻李氏夫故家貧無度以紡績餘貲孝事翁姑年均八十餘子孫林立苦守三十四年王學師以芳徽足式匾表之

張世貴妻王氏年二十八歲失偶家貧親老竭力奉養撫育二孤皆賴成人守節三十五年

王新業妻陳氏三十歲守節敬事翁姑躬親紡織撫三子一女備極艱苦年七十三歲卒

任國赦妻郭氏二十六歲夫故呼號欲絕幾不能生因憐孤子矢志守節教以義方享年八十餘歲

王樂恭妻解氏二十五歲守節奉親撫孤備歷艱辛年七十餘學師表其門曰孝慈兼盡

王九常妻孫氏二十六歲夫亡善事翁姑訓子尤嚴守節四十餘年

李克溫妻王氏二十五歲夫亡翁姑衰老奉養無違後翁得晚子甫二歲失恃氏以嫂撫叔恩養成人現年六十八歲有司以壺範堪師表之

襄垣縣志

卷之四 士女傳

十八

姬承先妻張氏二十九歲守節善承姑志撫孤成立年六十一歲

解興攀妻薛氏二十八歲夫亡孝事孀姑終始無間撫育孤子慈愛交盡人稱賢淑

王樂銀妻曹氏夫亡子幼呼號欲絕因孤子無依茹苦自甘撫養成人守節三十餘年

秦進和妻張氏二十三歲夫亡遺孤亦亡痛不欲生人勸以先祀當重乃取繼子廷俊爲嗣撫如己出弱冠列武庠母訓居多

燕景鎬妻薛氏年二十八歲夫亡立志殉夫斃而復甦爲家人所勸始釋守節三十餘年

貢 邢國瑞妻王氏二十六歲夫亡與妾吳氏以節相厲共事老姑睦如兄弟姑年八十餘皆二氏奉養之善也王學師給匾曰雙鶴鳴清

張鵬飛妻郭氏二十六歲守節家貧艱度氏孝養翁姑撫育孤子各盡心力終始不渝

程鵬遠妻路氏二十八歲夫亡親老子幼家貧如洗氏勤紡織課女紅備極艱辛壽八十八歲

秦發軔妻郟氏二十二歲夫亡奉姑以孝撫姪爲子守節五十餘年壽七十六歲

馬世全妻楊氏夫亡二十四歲事親能色養教子有義方孫二曾孫十遂成望族享壽八十有九人以爲苦節之報云

李國珍妻李氏二十歲夫亡孝事萱堂姑媳相得遺子甫週歲氏撫育成嚴加訓迪守節三十七年

王康妻李氏二十六歲夫故孝親撫孤家聲賴以不墜

王新業妻陳氏二十九歲夫亡敬奉雙親養生送死躬親紡績撫子成家守節四十三年

栗喜然繼妻姚氏二十六歲守節親老子幼孝慈各盡卒年五十四歲

李璽武妻張氏二十五歲夫亡於外家寒無依有以改適勸氏者氏剪髮毀容誓死不易教子嚴謹不少  
姑息邑宰卓以全節撫孤額其門

李炯然妻王氏二十一歲守節奉姑以孝處家以和姪啓鵬三齡失恃氏撫育保抱愛若親生鄉里稱賢  
淑焉

郭攀冉妻孫氏二十七歲守節翁姑早逝事本生父母孝養無間撫子秉元成名學師旌其門曰清節可  
風

馮堯麟妻趙氏夫歿家貧奉姑育子均資紡績勤苦不倦鄉里重之

李境翹妻王氏二十八歲夫亡家貧善事翁姑兼撫二子含酸茹苦清操自勵以守節終

王緒武妻李氏二十六歲夫亡姑逝翁老子幼糴糧不給氏以紡織相繼苦守三十餘年五十九歲卒

李師愷妻陳氏二十七歲夫亡翁姑早逝遺孤芳匝月依伯舅姑度日辛勤教子至於成立卒年五十九  
歲

李增馨妻白氏夫歿二十七歲孝事孀姑定省維殷無疾聲遽色慈以撫孤愛而知勞於氏有焉

王煥然繼妻李氏二十五歲夫亡時已有繼子氏所生三子待之如一學師以清月寒潭匾學台以徽揚

襄垣縣志

卷之四 士女傳

十九

彤管匾同旌之

栗清選妻李氏二十一歲夫歿與堂舅姑同居孝事無間撫孤懷瑗教養兼至後入邑庠卒年四十一  
歲

李蟠根妻武氏二十歲夫歿無子翁姑早逝事本身父母奉養無違取姪爲嗣訓養成人以承先祀

趙九如妻李氏十八歲夫亡事翁姑以孝聞因無子慰姑勸翁納妾立嗣覓丹青寫夫狀朝夕禮拜示無

二志以守節終 以上俱入節孝祠

連登喜妻王氏十九歲夫亡呼號欲絕既殮不休夜半化紙畢自縊柩前聞者惻然

桑守法妻馬氏二十二歲夫亡誓死守節家貧如洗紡織以事翁姑欲撫子成立後因母家父偁伊改嫁

遂自縊

張炖妻杜氏十九歲夫故家貧紡織爲生撫週歲孤恩勤備至守節四十一歲

許廣羸妻白氏二十九歲夫亡無嗣欲殉夫地下因翁姑垂老撫姪奉親茹苦自甘始終不渝

崔萬善妻趙氏性貞靜寡言笑二十七歲夫故躬自退藏恪守閨範四十年如一日

李永全妻王氏二十四歲夫故孝事翁姑備極勤勞撫孤養而兼教後列成均

楊萬派妻宋氏二十八歲夫亡遺孤僅二歲教育成人嘗以讀書厲之守節三十餘年

李凝之妻宋氏二十歲夫故矢志靡他撫子欲其成立亦病故氏堅守不渝鄉人悲其命之苦轉嘉其志

之貞

馮兆昌妻王氏二十四歲夫故教子有方持身不苟柏舟之咏氏其近之

馮玉振妻曹氏二十七歲夫亡子幼撫孤勤勞積紡織資爲子授室馮氏賴之

王宗亮妻郭氏二十八歲夫亡撫孤教養兼至後含飴弄孫精神老而愈振守節四十餘年

白永泰妻劉氏二十八歲夫亡事親撫孤教養兼至親操井臼紡績自任其志怡然

周永寬妻李氏二十八歲守節事姑盡孝訓子知方紡績勤勞志不可奪洵足爲巾幗式卒年六十三歲

李攀虎妻季氏二十四歲守節善事孀姑曲育幼子雖家無斗筲而晝採柴薪夜勤紡績其志終不可易焉

李培珍妻梁氏二十歲夫亡母家勸其改適氏涕泣不從後數月生男撫養成立宗祀賴以不墜守節三十一年

楊進泰妻陳氏二十七歲夫亡遺子淮亦無出遂與姪泌同居取一孫以繼嗣永無二志守節三十七年終

附貢姚亦華妻李氏二十九歲夫亡無子取姪愛若己出操作彌勤鄉里重之

郝子秀妻李氏二十六歲夫亡遺二子俱幼氏艱辛撫養窮且益堅守節五十餘年

連學純妻王氏二十九歲夫故事親無違教子有方勤儉持家未嘗少怠守節五十年

襄垣縣志

卷之四 士女傳

二十

范明旺妻王氏二十六歲夫亡事姑撫兒以布易粟迄無異志守節三十一年

王永昌妻連氏二十六歲夫亡無子取繼子亦亡與媳聶氏同心守節三十餘年不變

李順保妻秦氏二十八歲夫故家貧撫三子一女成人藉紡織以爲婚嫁資終無異志

侯留住妻郝氏二十四歲夫故遺孤一週殷勤撫育家貧紡織度日艱苦備嘗守節四十七年

趙和璧妻王氏十九歲夫故家貧子幼以紡織爲生計守節厲志久而彌堅

杜傳汶妻梁氏二十七歲夫亡遺二孤俱幼氏訓子成家躬親紡織鄰里稱善

郝安鎰妻衛氏二十九歲夫亡家貧奉姑撫子以布易粟永無異志守節三十四年

馬思邦妻武氏二十一歲夫亡遺孤多疾懼不克日夜啼泣多方撫育遂至成立人以爲苦節之報守節

三十一年

常克勤妻張氏二十八歲夫亡育子多艱持家勤儉茹苦自甘靡有他志

王應寶妻李氏二十四歲夫亡無子姑老家貧衣食不繼氏晝夜紡績以供姑饌其節而兼孝如此

趙運昌妻崔氏二十二歲夫亡遺子二家貧以紡織爲生撫育完全守節三十四年

杜傳樑妻暴氏二十六歲守節撫孤饗飧不繼氏紡織度日備極勤勞

孟中和妻王氏三十歲夫亡敬事翁姑生養死葬以婦代子始終如一

趙久和妻李氏夫亡時氏二十二歲撫孤七齡教養兼至不稍姑息偶疏於學卽忿守節四十餘年

趙時富妻李氏二十六歲夫故取姪爲嗣教養兼至人不疑其非生子也守節幾四十年  
王舜年妻韓氏二十五歲夫故孝事孀姑撫孤成立俯仰無憾鄉里賢之  
趙礮礮妻張氏二十七歲夫亡家貧無依紡績度日奉姑撫子始終不渝  
孫元杰妻郝氏二十六歲夫故奉姑撫子悉取資於紡績矢志靡他  
孫守禮妻張氏二十六歲夫故奉衰翁撫孤子以紡績爲生終無二志守節三十餘年  
郝兆福妻陳氏二十九歲夫故家貧無依奉姑撫子悉賴女紅爲生計其遇極艱而氏恬然  
張元之嫡妻王氏夫亡氏二十六歲奉姑撫子曲盡婦道家務多艱而志不渝持節三十餘年  
連登仕妻韓氏二十六歲夫故翁姑俱邁一子尙幼氏周旋其間卒至俯仰無憾  
向陽妻解氏二十九歲撫孤會元教養成立家貧不易其志持節三十餘年  
王文妻李氏二十九歲夫故撫前妻遺子如己出教養無薄厚之殊持節五十年鄉人稱之  
崔朝陽妻趙氏二十九歲夫故家貧撫週歲孤紡績爲食持志不渝  
王秋堂妻李氏二十九歲夫故遺子二女一撫育成人勤勞不倦  
連崇綉妻苗氏二十七歲夫故無子取姪爲嗣恩勤備至厥心無二  
張占魁妻馬氏二十五歲夫故子方襁褓氏教養成人不辭勞瘁  
翟純儒妻常氏二十六歲夫歿艱苦自守終無二志

范延年妻趙氏二十一歲夫亡撫孤二歲教養備至長而就傅不稍姑息  
路達妻郝氏二十六歲夫故撫子成立娶李氏爲媳旣而子故更勉其媳以守節終聞者嘆服  
劉向亨妻魏氏二十九歲夫亡遺子方數月氏撫育成人立志守貞不辭辛苦  
趙永仁妻郭氏二十五歲夫故教子成人持身不苟守節三十六年  
魏登山妻馬氏二十七歲夫故親族勸嫁氏啼泣不從矢志撫孤境愈苦而志愈堅  
栗崇仁妻張氏二十八歲夫歿無子翁多老病氏服事殷勤以代子職始終無間  
魏希絳妻任氏二十九歲夫亡家貧教子撫孫不憚勞苦守節三十八年  
杜文瓦妻王氏夫故時氏三十歲家貧撫孤憑紡織度日未嘗稍懈  
袁油然妻李氏二十八歲夫故奉姑孝持家勤撫孤教姪胥盡其道守節三十七年  
李攀昇妻范氏夫故時氏二十五歲事翁姑撫子親操井臼備歷艱辛守節三十餘年  
郝攀桂妻傅氏二十四歲夫故翁姑衰老氏竭力奉養勞瘁備至迄無難色持節四十餘年  
王永昌妻趙氏二十八歲夫故子女俱無家道貧乏憑手指度口終無他志持節四十餘年  
王方會妻李氏二十七歲夫故遺子甫二歲紡績撫孤堅貞自守持節四十年  
王廷蘭妻李氏二十八歲夫故家貧歲飢糠菜度日苦守三十餘年不變其志  
張朝先妻弓氏年二十歲夫故遺子俱幼含酸茹苦紡績易食撫育完全守節三十餘年

弓享侯妻張氏二十七歲夫故撫立繼子無異己出弓氏宗祀賴以不墜守節三十八年

韓良權妻孟氏二十九歲夫故遺子尙幼氏以紡績育之終無他志守節四十三年

孟宜安妻郗氏性至孝二十六歲夫故事姑有加禮無不及守節四十一年

楊廷會妻孟氏二十八歲夫故遺二女訓誨維嚴女長擇配氏依婿爲生其志終不可易守節四十年  
姚好之妻陳氏二十九歲守節撫孤盡孝教訓維嚴機聲伴讀不歇寒暑子列膠庠母訓居多守節四十一年

范守文妻楊氏二十八歲夫故遺子方一歲家貧難度氏朝夕紡織撫養成人鄉里賢之

鄭本之妻孫氏三十歲守節事翁撫孤各極其誠雖家貧無資而苦守不變

黃有發妻郗氏二十八歲夫亡親老子幼姑忽感子興悲氏卽引子嬉戲以解親憂其孝慈兼盡如此者  
守節四十九年

張足之妻馮氏二十六歲守節事舅姑愛敬俱存撫藐孤慈嚴並用張氏賴以不墜者氏之力居多壽七十四歲

馮月麟妻蘭氏二十歲守節家本寒素夫歿愈窘氏晝則拾薪采茶夜則弄機投杵餬口維艱從未形諸辭色其苦節可貞如此壽七十三歲

生員王用賓妻李氏幼習詩書通文字勸夫力學童年入庠及二十六歲夫故無子取姪書堂爲嗣亦勸

襄垣縣志 卷之四 士女傳

二十一

力學以圖上進其教子謹嚴如此

周子蘭妻趙氏二十九歲夫沒雙親垂老三子孩提母家欲奪其志氏不從仰事俯育其志愈堅壽六十五歲

監生連積誠妻趙氏三十歲夫故撫子克岐成立後膺鄉賓教育諸孫成名咸豐初年入太學者二登鄉薦者一與弟媳郗氏相矢共守無毫末嫌族姪外戚托庇而成者甚多至今鄉人頌德壽七十三歲

連積基妻郗氏二十一歲夫故子克疑亦逝與嫂趙氏相誓持節言笑不輕紡織一室不見外人者二十餘年後取胞姪孫國學士偉孝廉士毅爲嗣壽六十三歲

張富邦妻茹氏二十九歲守節翁姑俱存氏事尤謹外內稱孝

趙麟瑞妻侯氏二十八歲夫故無嗣取姪承祀不以貧易操鄉人稱之  
侯錫川妻馮氏十九歲夫沒遺子方數月氏安貧撫育訓養成入

趙維五妻李氏二十九歲夫亡立志堅卓訓子嚴明年五十八歲

段子敬妻崔氏二十九歲夫亡事親孝教子嚴家務女工尤極勤勞壽六十六歲  
郝子鈺妻李氏二十五歲夫故事衰翁撫遺孤勤於紡織矢志靡他壽五十六歲

王九如妻李氏二十九歲守節撫兩孤成立爲人紡織攻書茹苦自甘始終不渝壽七十一歲  
牛文發妻栗氏二十四歲夫故遺子二均在襁褓氏教育成人勞苦罔懈壽九十歲

傅巨川妻王氏二十五歲夫故事孀姑以孝撫弟姪以慈辛苦備嘗沒齒無怨言  
路毓麟妻李氏二十一歲夫故氏有遺腹越五月生子奉姑撫孤迄無異志鄉黨咸稱仰焉  
庠生鄭維城六世同居妻秦氏二十六歲守節事姑孝撫子慈持家勤待人寬隣人稱道不置  
李環山妻張氏二十四歲夫亡家貧子幼并日親操紡織不輟得以生全壽六十八歲  
楊茂林妻張氏二十二歲夫亡遺二子俱幼氏撫養成入教訓謹嚴壽七十五歲  
任克勤妻張氏二十二歲夫故遺子尚幼以紡織縫紉爲生計撫育成立壽七十二歲  
李呈祥妻郭氏二十四歲守節教弟撫子艱苦備嘗壽六十六歲  
鄧王道妻郝氏夫故時氏二十三歲事舅姑以禮治家有條教子訓孫皆至成立壽七十四歲  
李極深妻楊氏夫故氏年二十八歲遺孤五齡家貧難度氏辛勤撫育至於成立五十九歲卒  
武仁勝妻趙氏夫故時氏年二十歲撫遺腹子步雲成立族人稱重守節三十六年  
劉庚申妻張氏夫故時氏二十八歲遺一子一女餬口無資以鍼黹爲生勵志不衰守節三十年終  
李育福妻季氏夫故時氏二十九歲生子未及授室而亡氏取姪孫撫之以承夫祀守節三十五年卒  
栗先魁妻李氏夫故氏二十四歲一子尚幼翁姑恐其有他志氏窺親意倍任勤苦至死不渝竟以節終  
栗汝壯妻趙氏夫沒無子氏年二十歲自取幼姪繼嗣撫之如所生持節三十五年  
趙純論妻魏氏年十九歲而寡孝事翁姑教子成人張邑侯匾曰冰雪心傳

聶學曾妻連氏二十六歲夫故姑老遺子汝楫幼氏仰事俯畜備歷艱辛兼撫姪子外戚成人後諸孫林立人以爲節孝之報壽六十一歲

王進雙妻劉氏二十九歲夫亡家貧親老遺子數歲氏矢志守節仰事俯畜備嘗艱苦鄉黨稱之  
魏居梁妻張氏二十八歲夫亡姑亦逝素嫻禮教讀書識字事翁盡孝訓子有方理內事井井有條以守節終

栗汝傑妻楊氏年三十而寡家貧如洗紡織營生撫育二子成立七十三歲終

劉助清妻趙氏二十五歲夫亡生子方一日哀痛欲絕所親力勸心漸安事翁姑育子女茹苦操作終無他志

劉生榮妻趙氏夫故時二十九歲撫繼子鴻範取媳郭氏生孫一氏二十二歲亦寡姑媳同志守節義撫嬰兒厥後相繼而終

劉士魁妻史氏年三十歲夫故持節撫孤至於成立制行不苟尤善持家今七十二歲

李端午妻劉氏二十二歲守節家貧子幼紡織爲生至今六十五歲

李有貞妻李氏二十九歲夫亡撫週歲子成立紡織爲生守節三十餘年終

韓國璋妻袁氏二十八歲夫亡未幾夫弟國璉亦亡遺妻張氏年十七歲與嫂矢志同守各撫姪子成立均歷三十餘年

史獻直妻宋氏十八歲守節紡織自給七十八歲終

郟致照妻宋氏二十八歲夫亡撫養三子成立七十七壽終

庠生李毓華之妻韓氏夫故時二十九歲孝事後姑待前女無異已出紡織自給教養二子成立壽六十六歲終

鄭逢時妻馬氏二十七歲夫亡遺子六歲孝敬翁姑教子義方和睦鄉鄰語笑不苟以守節終

李毓林妻王氏二十六歲夫亡家貧無貲翁老子幼以紡織度日終無怨言隣里稱之以守節終

張天錫妻李氏夫亡氏年二十六歲遺二子俱幼家貧如洗氏夜勤紡織晝採藜藿艱苦備嘗終身無怨壽七十有八迄今子孫滿堂鄉黨頌之

張起雙妻王氏二十九歲夫故家貧憑十指度日守志不渝撫二孤成立後孫曾繼起壽七十五歲終王明法妻趙氏二十八歲夫故茹孽撫孤始終如一壽七旬有一

新入

馬稱德之母楊氏自幼孀守節儉持家現年逾八旬知事給匾曰茹苦回甘

鄭克齡之母李氏夫亡孀居孝事翁姑義教兒輩卒年五十歲知事給以貞淑可風匾額

倪廣欽之母梁氏苦志守節勤儉持家年終八旬知事給以邵勵松筠匾

李永泉之母連氏二十三歲夫亡矢志守節教養二子俱克成立鄉里稱之知事李給以貞節可風匾

襄垣縣志

卷之四 士女傳

二十四

李興魯之母段氏三十歲夫亡苦志堅守教子成人七十二歲終知事李給匾曰苦節可風

楊沛霖之庶祖母袁氏二十八歲夫亡沛霖之父生自遺腹堅忍守節四十餘年知事李給以苦節堪欽匾

樊安邦之母王氏幼年守節柏舟矢志勤儉持家教子成立現已年逾七旬知事李給以姆教可風匾

王根龍之母連氏節儉持家義方訓子五十九歲終知事嚴給匾曰貞淑可風

董永滋之祖母張氏勤儉持家育孫有方年逾八旬知事嚴給匾曰節勵松筠

李秋喜之母侯氏苦志孀守勤勞紡織撫養維難辛苦備嘗知事嚴給匾曰貞淑可風

生員楊膺榮之生母王氏志勵敬姜教懷孟母現年及古稀身體康健知事嚴給匾曰松蔭南陔

馮海源之母高氏中年夫故矢志守節治家亦豐儉得宜終身罔懈知事嚴給匾曰竹孝松貞

李興春之孀母郝氏二十二歲孀居誓志苦守獨承家務老不倦勤年七十有八終知事嚴給匾曰貞淑

垂型

郭毓鴻之母韓氏三十孀居勤勞紡織節儉持家六十有二終知事嚴給匾曰璇閨懿範

袁富國之母李氏二十寡居誓志守節教養勤勞現年逾古稀勤儉紡織知事嚴給匾曰貞曜璇閨

王永其之母王氏二十七歲寡居撫育二子矢志柏舟現年幾八旬勤儉持家不遺餘力知事嚴給匾曰節峻松高

王之玷之母郭氏十九歲寡居教子孫以勤儉御婦女以誠樸現年近古稀身體康健家計庶務毫不假手知事嚴給松筠比蔭匾額

陳高保之母高氏苦志孀守撫子成人現已年逾八旬守節五十餘載知事李給予勤儉可嘉四字  
李占魁之母韓氏年二十歲矢志柏舟仰事俯畜知事李給匾曰貞孝可嘉

李華之母趙氏年在三十歲即成寡居有子三人尙幼不能自養勤儉持家教育有方知事李給匾曰婺輝有耀

趙桂芳之母白氏二十三歲夫故矢志守節始終無二撫養子姪均以成人現年古稀有一知事魯給匾曰節勵松筠

邱腊鎖之母李氏二十有八寡居事姑以孝聞處隣以謙著治家不憚勞瘁教子猶有義方守節三十餘年不易其操知事李給匾曰慈幃春永

以上係查卷

連占鰲妻宋氏二十一歲夫亡矢志守節紡織度日事翁姑至孝以終餘年鄉人咸以孝賢稱之壽七旬以疾終邑侯劉公以節備孝慈表其門

連登朝妻李氏年幼于歸善事孀姑二十三歲夫亡母因喪子得眼疾非人扶不步婦日夜扶持毫無惰容母每向人獎之曰吾得婦助克保餘年矣後又撫孤成人善持家政壽六十七歲無疾而終一鄉人士今尙稱爲賢孝第一云

張永林妻秦氏十九歲夫亡子甫週歲翁又逝家貧子幼矢志守節勤勞紡織上事孀姑以善終下教幼子懷仁以成人後值丁丑山西大侵飢苦交迫氏仍百折不磨其志壽七十三歲無疾而終光緒二十八年儒學張教諭以節壽雙全旌其門

韓育喜妻王氏二十五歲夫亡撫孤子壘田成人勵志守節一生善良壽六十九歲終於光緒二十四年儒學張教諭以貞節可風表其門

秦清秀妻申氏二十四歲夫亡撫孤子壘田成人紡織度日立志守節壽六十六歲以疾終於光緒二十四年儒學張教諭以苦節可貞旌其門

王道蘊妻郭氏二十七歲守節六十年壽終撫育二子紡織度日經儒學教諭楊獎給水清玉潔四字匾額

王銳妻李氏幼年守節艱苦備嘗後由縣稟請上憲准懸奉旨旌表節孝匾額

李九功妻王氏夫故時年二十四歲家貧無度上有孀姑久病在床衣食必須扶掖下有二子子瞻子儀均在幼小氏紡織營生艱苦備嘗仰事俯畜孝慈兼盡守節四十餘年後嗣昌盛家頗小康鄉人稱道不衰咸以爲厚德之報曩因家道奇窮未請旌表其潛德幽光不能湮沒故追錄之用爲世風

李子瞻妻李氏年甫三十生子四人竟失所天家道清貧度日維艱氏茹孽彈花劬勞備至水孀矢志歷四十餘年如一日及子婦滿堂孫曾繞膝周急濟貧施與不吝戚族鄉鄰無不賢之其福緣善慶貽謀

遠也

趙建功妻白氏苦節守姪壽享七十二歲

郝周妻張氏撫孫成立紡織爲生壽享八十有三前由學署獎有柏舟自比四字

李體仁妻趙氏事奉繼姑殷勤至孝閭里稱之

李泰恒妻張氏事姑至孝三十歲守節六十九歲終懸匾曰節孝慈和

栗馨香之母冀氏二十一歲守節七十八歲終懸匾曰撫孤完節

栗森榮之母楊氏二十八歲守節六十八歲終懸匾曰金萱長秀

劉桐雲妻郭氏年十八歲夫亡撫繼子成立苦守三十餘年儒學高給匾曰柏舟矢志四十九歲終

楊拴住妻孟氏年二十七歲夫亡家貧無炊氏紡織度日教子成人光緒二十七年儒學給匾以旌之曰

貞節延年壽五十歲終

賈海榮妻郝氏年二十七歲夫亡家貧越四月生子氏奉姑撫子立志堅守數十餘年人無異言光緒二

十年儒學給匾曰松持柏操壽七十八歲終

李浩之妻桑氏年二十九歲夫亡氏紡織奉姑撫孤成立邑侯張給匾以旌之曰節靜流芳壽六十四歲

終

李興發妻連氏年二十五歲夫亡生子二尚幼氏紡織自養教子成立四十九歲卒縣給匾曰貞節可風

襄垣縣志

卷之四 士女傳

二十六

王天信妻趙氏年二十歲夫亡堅志守節後繼胞兄天義之子映斗撫養成人課讀四書其映斗賦性聰

明尚能勤學功至附生尤爲敬孝氏視映斗如生子壽至七十七歲儒學給匾曰清潔可風

栗學禮妻連氏二十八歲夫亡苦志守節代夫侍姑撫育二子次弟少亡現又撫育小孫民國七年嚴知

事以柏悅蘭馨表其門

拔貢李傅之妻張氏二十七歲夫亡遺子五齡撫孤成立守節三十餘年儒學給匾節孝流芳享年六十

有一

楊續欽之祖母杜氏二十七歲寡居七十八歲壽終縣儒學給匾旌揚

李德發之母鞏氏二十九歲守節孝養翁姑撫孤成立家貧難以餬口氏日夜辛勤耕織自操隣里莫不

矜其極苦壽六十九卒縣儒學給匾四字曰彤管揚休

王城之母趙氏三十歲守節六十八歲身亡其間三十餘年辛苦備嘗紡織撫孤和睦鄉里尤其餘事合

族人送匾旌揚曰賢淑可風

趙潤森之祖母崔氏二十二歲守節七十二歲亡縣儒學給匾曰竹節松操

郝瑞年妻張氏三十歲夫亡子幼氏獨操家務撫子成人後子孫滿堂均爲孝子賢孫家日殷富皆出氏

之力也潞安教授給匾曰松門雪勁鄉黨送匾曰志潔冰壺壽九十而卒

任憲章祖母高氏夫亡孀居八十五歲終儒學給匾曰茹荼養姑

暴希昌妻殷氏二十五歲守節有子三均幼氏養姑撫子備嘗艱辛後雖子孫衆多一切家政氏猶親理之壽九十五歲而卒知事李給匾曰松筠高節

衛懷進妻李氏二十九歲夫亡守節三子均幼勤儉持家紡織度日先貧後富家道嚴訓子孫均成名壽至八十呂學給匾曰女踪足式

郭同泰妻崔氏年二十八夫亡守節家貧孝姑勤儉紡織撫孤成立張學師以完節撫孤表之壽至八十五歲

李替發妻王氏年三十夫亡姑邁子幼守節盡孝撫孤成立家產豐富李知事給以苦節可欽壽至七十八歲

介賓李儒純妻楊氏年二十九守節夫亡子幼紡織度日勤儉持家矢志撫孤訓子成名嗣孫入泮王學師給以慶衍萱堂表之壽至七十歲

王作新之母趙氏青年守節清光緒三十年蒙山西全省學政寶題給彤管揚芬匾額

附生連尚志之母馮氏自遭光緒三年大禋家無寸地升無合粟孀撫二子均已成立後因長子亡故漸成氣疾六十二歲壽終在縣學請撫孤成立匾額旌表其門

廩生王紹業之母李氏有匾曰孝竹貞松

楊春榮魁之母申氏有匾曰柏操松筠

襄垣縣志

卷之四 士女傳

二十七

郭希綱妻李氏二十七歲夫亡矢志守節撫孤成立邑侯給匾曰貞心炳日

郭毓瑞妻郭氏二十九歲夫亡守節教養嗣子成人享壽六十七歲學師給匾曰貞節延年

武丕績妻李氏十六歲夫亡享壽六十三歲苦志守節家政獨操艱苦備嘗儒學高給匾曰母儀足式

生員姜作賓之祖母弓氏遭大禋後家貧寒難度日三十歲夫亡越二年子亦病故遺媳連氏十八歲矢志守節孫作賓甫週齡鄰人不堪其苦其婆媳益加勤儉操井臼苦紡織有孟母風後家道漸昌孫亦成人清提督山西學政王賜匾撫孫成名四字表揚

馬蛟明妻路氏二十六歲夫亡守節撫孤成立儒學給匾旌之

劉存保之母趙氏二十八歲孀居撫幼成家辛苦備嘗縣儒學給匾獎之

許佩祥妻崔氏二十三歲孀居立志守節艱苦備嘗其族人念其孤苦於光緒十一年由縣轉請山西巡撫學政布政各院咨部奉旨旌表

白懷春妻許氏二十四歲守節其後人於光緒三年由管學院案下請賜節履冰霜四字以資表揚

梁中仁之妻連氏二十歲夫亡三月內生子名曰藏生教子入泮榜名建都氏尤孝順翁姑克振家務傳聯珠等在寶學台前聯名請准節孝表彰功德

王貞福妻侯氏少年守節族人念其功德異常於咸豐己未年稟請山西各憲奏准旌表節孝

王文林妻陶氏二十六歲夫亡堅守不二節孝無雙由縣轉稟欽差大臣張奉旨旌表節孝

邢永煒妻韓氏青年夫故守節過人知事李給匾曰貞孝可嘉以旌之  
梁然和妻王氏夫亡守節教子習武終成武舉沈知縣以荻訓齊芳旌之  
楊守綱妻秦氏二十四歲夫故守節事姑撫子紡織度日艱苦備嘗清山西學政王賜貞松永茂四字旌  
之壽七十五歲終

賈祥妻李氏三十歲夫亡撫育繼子紡織度日壽至七十三歲終清山西學政高賜貞節慈心以表其門  
王玘運妻王氏二十八歲夫亡家貧如洗矢志守節事姑至孝撫子成立勤儉持家隣里咸欽享壽六十  
九歲邑侯嚴給匾曰節孝可風旌表其門

賈全之妻連氏幼年守節艱苦備嘗由縣稟請上憲准懸奉旨旌表節孝匾額以彰功德

監生樊聚仁妻李氏夫故二十二歲矢志節孝事慈母勤儉持家艱苦備嘗壽至五十二歲終由縣稟請  
准懸奉旨旌表節孝匾額

趙和瑾妻魏氏二十二歲夫亡守節奉姑不怠教子有方縣令沈旌其門曰節孝全芳享壽七旬有四學  
憲管給匾四字瑤池冰雪

王業秦妻王氏夫故守節知縣倪給匾貞松慈竹

李儒席之母連氏二十七歲夫亡矢志守節遺腹未產有女三人尙幼氏勤勞紡織延師教子辛苦備嘗  
山西全省學政高給匾曰苦節餘甘

襄垣縣志

卷之四 士女傳

二十八

姜文林妻蕭氏二十九歲夫亡守節撫孤成立壽至七十七歲邑儒學以松筠節操四字額其門

崔生璣妻趙氏二十四歲孀居專心撫孤矢志靡他勤儉持家辛苦備嘗壽七十餘歲潞府儒學給匾旌  
之

連存興妻張氏二十七歲夫歿生子一僅三日家無人遂一意自守冀子成人稍長令入學讀書督促甚  
嚴年十五爲之授室二十二入泮名瑗氏勤儉治家不顧衣食美惡艱苦備嘗不辭勞瘁性情良善處  
人和睦鄉人莫不稱揚民國十二年知事魯給匾曰柏舟自矢現年七十五歲精神頗稱強健

王宸弼妻常氏二十四歲夫亡矢志守貞三十餘年及天年終知事給匾曰節孝維風  
王秉籥妻郭氏青年夫亡痛不欲生翁姑再四苦勸方止氏撫孤成人終身不改守節四十餘年知事給  
匾曰松筠比蔭

王咸宜妻秦氏例封文林郎廣慶母三十歲夫亡矢志守節紡績餘晷教子課孫次孫縉雲及冠入泮氏  
壽七十歲終光緒十七年李學師給節烈冰霜匾額表之

張傑妻戴氏二十一歲夫亡苦志守節教子成名壽至六十三歲終光緒二十年王學師給匾曰冰心玉  
潔

王樹績之母楊氏十九歲孀居現年六十三光緒三十二年府學給匾曰苦節冰霜

劉文錦妻李氏二十四歲夫亡撫孤守節日事紡織以圖衣食四十七歲終

李嘉威之孀母任氏二十歲孀居無子惟有一女墓生事姑至孝治家克儉魯知事給匾曰志潔行芳  
韓來瑞之孀母李氏青年喪夫矢志守節家貧以紡織度日一身勤勞不改其志誠爲一鄉所欽仰魯知  
事給匾曰節勵松筠

閻世唐之母 賦性賢孝氣節純貞二十七歲寡居撫孤成人孝事翁姑魯知事給匾曰彤管揚芬  
魏金福之母楊氏二十八歲夫亡矢志守節撫孤成立訓子有方魯知事給匾曰晝荻遺徽

趙桂芳之母白氏二十三歲夫故立志守節始終無二撫養子姪均以成人知事魯給匾曰節勵松筠  
郟子義之母栗氏三十歲喪夫家處貧寒勤於紡織既撫孤子又撫孤孫均各教養成成人魯知事給匾曰  
貞壽之門

李兆祥之母史氏幼年喪夫遺子六齡苦節教子閭里欽仰知事許給匾曰壺則昭宣  
張有德之母秦氏二十三歲夫亡子甫週歲立志孀守撫孤成立勤勞紡織克儉成家許知事給匾曰白  
首完貞

韓樂堯之母王氏二十四歲夫故矢志守節紡織度日勤儉持家撫孤教孫均有義方一鄉稱之許知事  
給匾曰白首完貞

連科舉之祖母郝氏二十四歲夫亡矢志守節撫孤成人壽至八旬有三許知事給匾曰白首完貞

張顯蓮之生母楊氏二十四歲夫故勤儉持家孝順翁姑一鄉欽仰無不稱其賢淑知事許給匾曰白首

襄垣縣志

卷之四 士女傳

二十九

完貞

邢永德之母宣氏二十八歲喪夫遺子五齡立志孀守撫孤成人勤勞紡織克儉成家處隣寬和許知事

給匾曰彤管揚芬

常有漳之母李氏早年喪夫苦志孀守撫子成家處寒微勤勞紡織年逾七旬許知事給匾曰懿德可  
欽

栗天揚之母閻氏早年喪夫苦志守節教子有方家雖貧寒勤勞紡織知事許給匾曰巾幗完人

張修華之母李氏年及而立夫故守節孝奉翁姑撫孤成立許知事給匾曰巾幗完人

連晉書之母牛氏幼年喪夫苦志孀守撫子成家處寒微勤勞紡績許知事給匾曰節亮壽高

李懷義之母曹氏十八歲夫亡矢志守節誓不再醮性極溫柔竭力孝姑許知事給匾曰節孝可風

李德昌之母王氏幼年喪夫撫孤成家辛苦備嘗壽至八旬有四知事許給匾曰節壽雙高

閻金虎之母張氏二十餘歲喪夫立志守節撫子成人侍奉翁姑不起怨色處于鄰里尤爲寬和許知事

給匾曰節孝可風

李樹滋之母郭氏早年喪夫矢志守節治家勤儉教子有方許知事給匾曰巾幗完人

陳嘉善之母馮氏青年夫亡生子未及週歲立志守節勤勞紡織撫子成人辛苦備嘗許知事給匾曰節

亮松高

李繼寬妻陳氏二十八歲孀居享壽七旬有五該氏守節勞著旋蒙縣署給匾曰敬姜媲德

李萬鎰妻陳氏三十歲孀居享壽八十有三該氏勤勞卓著旋蒙縣署賜給貞壽之門匾式四字

宋啟星妻王氏二十九歲夫亡享壽八十有一該氏勤儉治家教子有方旋蒙縣署給匾曰節壽可風

賢媛

民國

韓氏傳

城西二十里路家溝路發祥之妻韓氏者天資聰穎賢孝過人事繼母極殷勤雖加楚杖毫無怨言十歲即工刺繡十七歸發祥妝奩等物多平時工作所製發祥家寒姑又衰老夫傭於人仰俯爲難氏則夜以繼日鍼黹爲助每獲工資輒購鮮物供姑嘗語夫曰孝母生前汝若遇母所喜之物當設法買之其後姑患背瘡痛不可言惡氣襲人無或近者氏則進羹饌除便溺日夜不離左右每逢瘡痛劇烈氏則親銜瘡口吸其中膿血親誼饋贈食物積以奉母不少嘗幼兒呱呱以啼亦不能分其餘甘也姑病凡十二年卒以背瘡死氏服侍終無倦色光緒丁丑歲荒適夫病腿有子三皆不能自謀生氏則削樹皮刨草根以度日年四十寡教諸子成人俾力田經商後家漸饒裕氏尚鷄鳴而起勞苦若不謀夕每有所得則周急濟貧遇修橋補路之募更解囊樂輸氏生於清道光十九年壽八十三而卒光緒丙午縣長高公給操若松筠匾額余距氏不數里常聞父老傳說得其始末故傳之

襄垣縣志

卷之四 士女傳

三十

孫氏傳

前人

孫氏者城西五十里平北村王守魁之妻桃塢村孫安長之長女也五歲而孤倚母成長母寄之外祖李姓家外祖者清庠生也閨闈清穆教誨端嚴氏遂通孝經諳魯論益工指算十七于歸越歲會翁姑疾殆夫經商廐亭距家遠氏詣翁前請曰恐事變弗得遺訓以示子孫媳雖愚勉能記述許之言卒而歿越數年姑病篤氏跪禱泣不舍晝夜凡三宿飲食不入口庚子義和拳起村人譁然曰寇至衆走氏倉卒從諸人後旣而翻然悟曰此地左右皆山陵大平村屏於南寇來必由東西道過大平吾村地勢甚高寇遠可望寇來我逃不後矣抱子樹方整襟坐村中達暮村人歸家物未有失者衆交稱氏功樹方五六歲卽令讀孝經每晨促朗誦家中簿記書算猶其餘事年二十九歲卒時指樹方戒之曰願兒策勵志氣光耀門庭吾願始足余與樹方共學有年知之頗詳爰爲之傳

郝太夫人懿行傳

太夫人姓郝氏王公俊堂之妻維新之祖母也性賢智凡事不欲落人後十九歸王二十九而寡有子二女一長生銀卽維新父時年十歲次生鈺年七齡女在襁褓家貧難謀生太夫人節哀順變十指經營令二子作小販賣蠶蠅頭以助其後家漸饒裕親督子婦耕織不減貧時兒孫滿堂無一敢背家訓者鄉黨間有因家務爭噪每請其評是非多得其平人皆稱爲女中丈夫壽七十三而終噫賢矣夫人於艱難困厄之中克自樹立貧無諂富無驕裕後光前堪爲一鄉人所矜式者求之鬚眉中每不多得乃於太夫人

得之古稱賢媛意在斯歟詩曰太姒嗣徽音則百斯男請爲太夫人詠以傳於世

### 王李氏傳

王李氏者王廣慶之妻縉雲之母也事姑孝對鄉隣極和惠仁慈遇有急難者常質簪珥以助其勸夫教子一主博愛云民國十一年十二月蒙大總統褒曰乳姑下拜大崔山南之宗昉課子成名創柳河東之家法兼而有之良可貴也爾山西襄垣王李氏生長名門來歸士族眉齊鴻案德曜本賢手挽鹿車少君知禮舞萊衣之綵夫倡而後婦隨傳韋帳之經師資而兼母教葛妙真是女菩薩功德十方杜子美咏大夫人起居八座如此行誼允矣褒揚於戲孝思魚躍書廣漢之賢老福駢膺拜晉國之命題以楔綽燁乃管彤

### 苗連氏傳

苗連氏苗文章妻雨潤之母也賦性仁愛事夫順因夫商於外而事姑曲盡其孝後家少康不時施與大叩大鳴小叩小鳴毫無吝色云

民國十三年三月大總統褒曰侍葛妙真之疾棄產而手散千金全魯義姑之宗卻敵而舌憑三寸自來巾幗每多完人凡在閨門皆宜矜式爾山西襄垣苗連氏者生自名門于歸士族孝經一册得鄭氏之師承周禮六官傳韋家之學術好是恤災昂斛荀粟齊頌爲夫人况兼免役輸財巴楔親題乎皇帝如此行誼允宜褒揚於戲乳崔氏之姑山南祚永瞻王母之族鄰右恩周播以彤芬昭乃壺訓

襄垣縣志

卷之四 士女傳

三十一

### 王李氏傳

王李氏王生銀妻維新之母也幼承閨訓忠孝天成事姑極孝姑衰病不離牀者三載煎湯除溺終無倦容尤嗜佛事夫教子一順自然夫好公益苦資力不濟質簪珥助成其志鄉黨稱爲賢婦邑令嚴用琛表其宅贈以頌獻金萱四字匾額後蒙大總統贈以賢孝可風四字匾額並賜褒詞

大總統褒曰乳姑下拜大崔山南之宗昉課子成名創柳河東之家法自來巾幗代有完人凡在閨門皆當矜式爾山西襄垣縣人王李氏者生長名門于歸士族有淮陽之遺範曾列薦章牽萊子之斑衣相與舞彩傳經韋母宣文之榮譽方新昂斛荀妻夫人之頌聲交作如此行誼允矣褒揚於戲作鄭姓之孝經事親以顯揚爲主守大家之女戒立身爲禮法是繩畀以楔題光乃壺訓

國務總理王寵惠輓聯云報國勗後賢日下清風蜚玉樹皈禪完淨果天涯殘淚泣慈雲

衆議院議長吳景濂輓聯云教子以義持家以勤古韓有淑人千載高風追徐母體嚴之心遵慈之意上黨多奇士一時大孝屬王孫

雲貴川總司令兼雲南省長唐繼堯輓聯云以慈孝訓家積善克昌有子堪爲民代表惟勤儉貽後行仁獲壽歸真猶想女宗師

邑令魯宗藩輓聯云丸熊助苦封鮓資廉護法從公遵懿訓風木驚心抔捲飲泣歸家讀禮有餘哀國會議員苗雨潤石璜劉祖堯輓詞云自護法軍興人多視嶺表爲危途而王老伯母李太夫人獨識

大義飭其子希文君赴粵效力國會以見義勇爲勗誠巾幗英雄也迨希文君抵粵與潤等朝夕相處五易寒暑終能仰體母志克盡厥功孰意法統恢復伯母仙逝不克覩其子之完全成功憾事也因聯數語以輓並輓徐母遺風四字

#### 苗申氏傳

苗申氏苗雨榮之妻也事姑至孝相夫成家其與里黨之間博好援拯曾蒙大總統賜以褒詞

大總統褒曰乳姑下拜大崔節度之宗祊恤鄰拯災延荀夫人之美譽自來巾國每多完人凡在閨門尤宜矜式爾山西襄垣縣苗申氏者生長名門于歸士族眉齊鴻案德耀相莊手挽鹿車少君習禮仁施及乎勞獨得葛女棄產之遺風欵洽篤於宗嫻有王母知興之卓見如此行誼允矣褒揚於戲讀鄭氏孝經之書曲從是尙垂大家女誠之訓慈惠爲先畀以楔題光乃彤史

附曾受褒揚者之姓氏及褒詞於次

#### 王王氏褒詞

大總統褒曰乳姑下拜大崔山南之宗祊課子成名創柳河東之家法自來巾國不乏完人凡在閨門均宜矜式爾山西襄垣縣人王王氏者生長名門于歸士族眉齊鴻案德耀相莊手挽鹿車少君知禮舞萊衣之綵夫倡而後婦隨傳韋帳之經師資而兼母教葛稱菩薩荀頌夫人行誼如茲褒揚允矣於戲孝思魚躍美廣漢之榮譽老福駢臻張晉國之寵錫作之坊表光乃彤芬 又題褒令德孔昭四字匾額又紅

襄垣縣志

卷之四 士女傳

三十一

黃綬銀質褒章一座

#### 苗王氏褒詞

民國十三年三月 大總統題褒令德孔昭四字匾額內務部獎給黃紅綬銀質褒章大總統褒曰乳姑下拜大崔南山之宗祊課子和丸創柳河東之家法自來巾幗每多完人凡屬閨門皆宜矜式爾山西襄垣苗王氏生自名門於歸士族具文姬之幼慧夙能辨琴佐萊子之歡娛相與舞綵荀妻昂斛散紅朽而粟頌夫人韋母傳經侍絳帳而門多弟子如此行誼允矣褒揚於戲讀鄭氏孝經之書事親固自有道作中壘列女之傳舉世奉爲常師畀以楔題光乃矩德

#### 王趙氏褒證

民國十三年九月 臨時執政題褒節勵松筠四字匾額併給與白綬銀質褒章一座

#### 董張氏褒詞

民國十四年七月 臨時執政題褒竹孝松貞四字匾額並給與黃白綬銀色褒章 臨時執政褒曰禮備引過中壘傳其令名行義旌門東魯侈爲茂典是以大家女誠貞順相兼鄭氏孝經始終有別爾山西襄垣董道恭之妻張氏者婦事咸備女宗共仰是姜家之嘉耦廣漢風高乳崔姓之衰姑山南日永邨鄰昂斛荀粟蜚夫人歡聲課子畫灰歐荻承太君慈訓如此行誼允矣褒揚於戲芳延草席彤史播儲婦李思志矢柏舟邨人頌公姜大節作之坊表維乃坤貞

### 雜傳

雜傳者不屬於名宦名賢而其人未可湮沒者也舊志方技仙釋各爲一類而皆屬於人物人物不若是雜也入於雜傳州次部居夫固非駢拇技指矣例云舊於人物之有疵累者概不立傳殊屬失實宜據正史有傳之人一一編入即大奸大佞亦不隱諱此即指通省而言非專爲襄垣也故不遵其例焉

#### 方技

#### 後周

麻衣僧後周綿上人雲游至紫巖山洞修養募建寶峯寺殿閣巍峨爲一邑勝概所著有相書金鎖賦銀匙歌行於世寺內遺像在焉遇旱禱雨輒應

#### 宋

張駢字公度潞州人家素業醫而駢尤精方脉意在活人不責其報翰林學士黃魯直母安康郡君太夫人病秘結諸醫不能治駢投餌卽愈魯直感謝厚贈之却不受飄然而去

#### 清

楊一鶴有仙術康熙三十年三月旱至六月不雨閩邑驚惶祈禱無應時一鶴在先天觀登壇祈禱油

然作雲甘霖遍野五穀咸登王一侯匾獎曰道隆應澍

崔成邦有仙術康熙四十五年禱雨輒應

#### 仙釋

#### 唐

焦道士七歲不語忽一日告其母楊氏曰今日吾師至少頃果有道士來授焦符籙後修真龍洞山捍患禦災屢有奇功沒葬城南百步許五代晉天福間禱雨輒應邑人立廟奉祀宋元歷封昭澤王明敕賜每歲七月初五祀之

石壁叟不知其姓銅鞮侯元嘗以貧窶愁苦而嘆忽壁間一叟引入授以隱書萬言皆變化隱顯之術戒之曰汝分合於至道進身然宿障未除面有晦色宜謹密自固否必敗欲見我叩石則應元歸習其術期月而成

二仙女世傳事繼母至孝遇冬月每思食苦菜求之不得泣血於生母之墓而成寐醒獲菜供母貞德協應後以仙去唐武德中追封冲德冲惠真人至今二仙港有祠

三目僧姓王失其名左臂有一目少脫髮雲遊四方百法俱通後啓左臂之目乃述古疏編印造藏經二千餘卷貞觀中跌跏化人稱三目僧建封寺有遺像鹿哭泉卽誕生處也

義福姓姜銅鞮人爲神秀弟子初止藍田化感寺處方丈二十餘年未嘗出後隸京城慈恩寺開元十

一年從駕往東都途經蒲號二州刺史暨士女皆齎花幡迎之二十年示寂張均房瑄嚴挺之韋陟皆往永訣而張以服丹不臨喪先避去乃謂房曰張有非常咎名節皆虧若終此法會可以免難惜其先去也公必爲中興名相遂卒賜號大智禪師葬於伊闕之北中書侍郎嚴挺之爲製碑文後張竟陷於賊嚴與房輔贊兩朝悉如其言

明

萬歷時有僧曰度生系出隴西一日雲遊至邑北關視石爲隣藉茅爲屋遂棲息焉居人矚之晝則跌坐蒲團夜則禪燈不滅瑜伽庵之名由此始迨順治戊子冬度生忽晨起大座顧其徒來禱來量曰予苦行於此有年無棄厥成端在汝等因說偈云父母未生前無欠亦無圓虛空包不盡天地豈能含偈畢涅槃矣邑侯王國治有碑記

唐

昭澤王傳

無名氏

唐昭澤王姓焦失其名唐懿宗咸通九年七月初五日生長樂鄉司徒村生之夕香氣盈室經宿不散人咸異之七歲兩手拘攣言語塞溢狀貌類愚人忽元日手無故自舒神彩煥發語亦便通顧性喜道家言至十三歲凡天文地理易象遁甲諸書一過目卽曉暢景福二年正月八日夜夢神人捧玉函內盛靈符寶籙謂王曰吾奉帝命以此書付汝熟習之當除邪甯衆旣覺果有玉匣在其側啟視則皆朱

襄垣縣志

卷之四 士女傳

三十四

書天篆文義多不可曉後復遇異人指示王遂了然異人又以靈符玉匣付王厥後驅妖降龍隨試輒效東北山有一穴內藏五狐爲崇王逐之就其中居焉命之曰五狐穴乾寧元年壁底等村水驟發漂民田廬無算乾寧四年縣西蛇妖爲患王俱用符退水而民俱獲安一日遊至漏岩泉見衆婦人浴不潔之衣曰此水不可穢投遂指水南行水遂南光化元年東山有釋氏常姓者素習元術來謁王與王同遊東山常用已術塗次衣帶悉成龍蛇狀王曰此幻耳奚足尙常又知闊壩山水中有妖求王除之王用符投水不旋踵而妖除又同遊北洞洞與遼陽界相接洞中蛟龍繞集妖氣逼人常驚怖股慄王則欣然謂是天設之以俟我者又於石中得古劍一口光化二年有富室陳演者宅久爲妖龍所據其家因有一紅槽王至驅龍因索紅槽引之入洞天福二年前上黨妖魔爲害時太守王祐延王治之妖遂息太守以其事上聞奉旨封爲雲南兩將軍後脫蛻仙昇葬北五里今將軍墳是也王享年三十有四歿之後代有顯應清泰二年草賊嘯聚官軍不能禁忽洞起紅雲空中若有鐵騎聲亂石飛下如雨賊黨子遣加封靈侯爵以長樂十六村租稅爲王香火資開運二年旱魃爲災凡詣洞求雨者應如響後來求雨自此始天福四年加封爲顯聖公宣和元年加封爲昭澤王元世祖南征渡海時見王陰爲之助師旋遂加封曰海濱王

係原傳

舊志雜紀

上古神農嘗百草至百穀山得五穀

山在邑東南二十五里

周

春秋晉築虎祁之宮有石言於魏榆晉侯問於師曠曰石何故言對曰石不能言或馮焉不然民濫也抑臣又聞之作事不時怨讎動於民則有非言之物而言今宮室崇侈民力彫盡怨讎並作莫保其性石言不亦宜乎

春秋宣公十五年六月癸卯晉荀林父敗赤狄於曲梁辛亥滅潞潞即赤狄所奪襄垣潞城地至是始屬晉焉

周赧王年間秦滅韓至始皇并六國改封建為郡縣始置襄垣

晉 永興元年癸亥劉琨以都尉張倚領上黨太守據襄垣劉曜寇上黨劉琨遣將救之戰於襄垣敗績

祖逖牙門將童建遣使降石勒勒斬之送首於祖逖曰天下之惡一也叛臣逃吏吾之深仇將軍之惡猶吾惡也逖遣使報謝

南北朝

爾朱榮討葛榮獵於襄垣時有雙兔起於馬前榮躍馬彎弓誓之曰中之則擒葛榮雙兔應絃而殪果破葛榮立碑於其所號雙兔碑

爾朱兆追高歡至襄垣漳水漲兆輕渡與歡盟留飲而去初葛榮衆流入并肆者二十餘萬履反叛誅之不能止爾朱兆患之問計於歡歡曰六鎮反殘不可勝誅宜選心腹

統之有犯者罪其帥將自戢兆即以屬歡時兆醉歡恐後事變即傳令部分軍士往太原又以歲歉請就山東食兆從之路遇爾朱榮妻鄉郡長公主自洛陽來馬三百匹盡奪易之兆怒自追至襄垣水漲橋斷歡隔水拜曰借馬備山東盜耳願渡而受死

襄垣縣志 卷之四 士女傳

三十五

兆輕渡與歡飲斬白馬為誓歡舍大王山六旬始出滏口號令嚴肅兵勢遂盛

唐

崔韜崞縣人之任祥符過鹿亭夜宿孤館似有虎瞰門韜驚潛避梁上虎入門脫皮置炕側變一美婦人婷娉顧盼若有所待者久之睡熟韜下梁取皮投琉璃井中婦醒失皮向韜啼索之韜佯不知也綯繆一宿欲納為妻店主人知其為怪諫之不從抵任生二子秩滿後仍携過鹿亭談及往事婦問皮安在韜使汲井得皮半朽婦大笑披之復成虎咆哮而去

武德元年戊寅置韓州以太守為刺史

大順元年庚戌李克用圖河朔昭義節度使李克恭選精兵五百遣侯霸送晉陽至銅鞮霸與牙將康居

受劫衆反攻克恭自焚死霸叛附朱全忠全忠遣將據潞克用遣康君立李存孝將兵圍之

侯元銅鞮人貧囊負薪愁苦而嘆忽石壁開一叟引入授以隱書萬言皆變化隱顯之術戒之曰汝分合於至道進身然宿障未除面有晦色宜謹密自固否必敗欲見我叩石即應元歸習其術期月而成能變形役鬼草木土石皆能為兵乃集里中少年為甲卒陳兵出入自稱賢聖州帥高潯討之元走謁叟叟戒其自守勿出戰元不聽狃於一勝酒酣被擒繫於獄醒即脫去惟遣一檠在枷孔中復叩石叟叟怒曰庸奴終違吾教雖幸免斧鎖行且死矣遂與之絕其術漸敗猶率其徒掠太谷并騎至斬於陣杜思明銅鞮人常有心病念金剛經即愈每至持經之日必見神光

後周

廣順元年辛亥王彥昇破北漢兵於虜亭斬其帥王璋潞州巡檢陳思讓敗北漢兵於虜亭

金

縣令韓俊築甘水南城以保民金初隨在兵起民被劫掠無所避俊能將拒却之襄民歸衣者城不能容乃築外城且戰且築城成民有所恃盜賊漸息

明

成化八年有大蛛自錦山為大雷所驅至東周村曹家墳天日晦冥風雨大作墳木盡拔須臾有火一塊如碗大自西南飛來霹靂一聲其物擊碎明日視之皮肉滿川可載十餘車其乾皮可貼瘡

嘉靖三十一年壬子強賊十七人北來殺縣丞陸倫並縣民十七人主簿郭東陽督邑人盡數殺之

崇禎十七年甲申闖賊李自成僭逆偽官趙浩票至不入官署居民宅嚴刑比捐賈宦某代父受刑死而

復甦未幾天下同日殺偽官無算趙浩潛逃清定鼎改為順治元年闔邑士民咸慶更生矣六年賊沈烈許守信等詐稱姜瓖兵據潞掠襄邑訓導王奕葉抗節不屈死之知縣佟學詩先後盡節詳官師表

康熙四十三年知縣袁良因西城門基在甘水之涯易圯購庠生李克皇地六畝挑濬河道東流西城

永無水患

乾隆四十三年閏六月十六日有雷霹靂火光閃爍自城東南起至西河底甘羅廟將殿柱擊裂門壁有龍爪形人不為害

襄垣縣志 卷之四 士女傳

三十六

陰山考辨

徐 珩

襄垣舊志五陰山註魏孝文帝至此陰暗五日慕容赤土剖心祭之天日復明云云彼固以為傳聞耳然

地名與人事穿鑿是不可以不辨夫陰山始見於史記北據河為塞並陰山至遼東正義曰陰山在朔州

北塞外從河傍陰山至遼東築長城為北界後漢書陰山在五原郡虞氏記趙武侯自五原河曲築長城

東至陰山漢分秦九原郡曰五原曰朔方屬並州刺史部五原今鄂爾多斯故豐州是其地在歸化城西史書所載代有明徵以今地理求之歸化城西北翁公山

一帶綿亘五百餘里土名雖不一皆陰山也謹案清朝一統志襄為五音山地形志鄉郡襄垣有五音山

神祠山西通志亦注五陰山實五音山然則非史書之所謂陰山亦明矣或曰魏屢幸陰山具載北史彼

未明指其處安知非襄之五音山乎曰此正所以附會也魏太武皇帝太平真君六年一幸上黨觀連理

於茲氏今高平九年再幸上黨詔於壺關東北大王山累石為三封其間書陰山不一而足遂連類而傳會

之豈知魏起北荒遷盛樂今歸化城徙平城今天同府孝文太和十七年始遷都洛陽當其未內徙時昭成因苻堅之

寇率國人避於音山之北保世滋大嗣文成八幸陰山獻文生於陰山而孝文亦三幸之蓋不忘肇基所

自亦猶元主數如上都耳以此為襄之五陰山可乎或曰如子言既非陰山何以有魏孝文廟又有慕容

將軍墓曰此固有說彭城王勰孝文庶弟也從幸代次於上黨之銅鞮山路傍有大松十數株孝文命勰

賦詩曰吾作詩雖不七步亦不言遠汝可作之勰去帝十步未至帝所而就詩曰問松林松林幾經冬山

川何如昔風雲與古同帝大笑由是觀之孝文之駐蹕銅鞮實有其事襄人廟祀之宜也若因此而有慕

容將軍墓則有不得不辨者按慕容白曜當獻文時封上黨公進爵濟南王以誣見誅然未嘗仕孝文之朝也其從子契太和間賜爵定陶男若以上黨公而有墓則當爲白曜以慮從孝文而有墓則當爲契乃襄垣有墓屯留亦有墓皆曰慕容赤土顧一則註孝文一則註隋執金吾噫何其謬耶不惟北史並無其人隋書亦杳無可考而長子志云赤土慕容永之後不知何所據而云然也宜通志駁之以爲諸說多附會也且剖心至於格天此何如事較之絕肱剖腹更爲奇烈史書不載其誣可知或又曰赤土剖心之說既誣則宜削之胡爲並存之曰此則所以傳疑也傳信傳疑春秋義例削之且益以滋疑存之乃所以徵信某未敢沿謬承訛姑舉臆說附於卷末以俟博雅君子折衷焉

崔上遇虎說

邑人 孫繼曾

崔生遇虎事載縣志由來久矣訪其軼事土人猶能道之其荒碑故址粉壁遺形誠有令人難解者而余獨謂其事雖傳其說不可附會也學者讀書稽古求其可信者而已想其時必有虎患崔生因除之以利行人理或然也若如土人言崔生配虎婦生狼哥產虎姐之官後仍衣皮化虎而去其說不經甚矣吾聞之狐百歲化爲美女或爲丈夫是獸之能化人者惟狐然也虎則安能故有牛化虎者矣淮南子曰牛哀病七日而化是也有人化虎者矣述異記所稱封邵風俗通所稱李耳是也然卒未聞有化人而仍化虎者今也忽而虎忽而女忽而爲人妻忽而生男育女且有返而爲虎當其視眈眈欲逐逐不至於啞人不止胡爲作狐媚之態耶抑狐假虎威耶此理之不可信者也然謂此事之必無則又有難焉者博物志曰江陵有猛人化爲虎又云虎化爲人此又何說當其爲虎也不知其嘗爲人也當其爲人也不知其將爲虎也崔生之事與宋高僧傳所載始同而終異其詞曰釋志淵見狐變女子有郎欲與偕去謂之曰此狐也不信振錫作梵語女遂化狐而走由此觀之理之所必無亦或事之所嘗有也惜崔生未遇高人以指其迷耳然則此事畢竟真耶妄耶曰吾以不解解之卽以無說說之

後趙

乩筆

張 寶

我輩藏身近路傍滿身風露恨忙忙誰人德比周西伯悞把金鈎釣尙方

廐亭琉璃井 二首

參政 陳洪濛 世次 無考

昔爲林莽今城市井覆琉璃迹已迷謾說世間無怪事丹青壁宇至今題

明

廐亭談虎 四首

乾侯 陳廷謨

談虎猶能給市人崔生何事險安身妙從熾火還眞汞暗地陰魔總是春  
世紛何假復何眞改換皮毛虎亦親磨牙巧弄櫻桃口誰信牀頭可殺人  
出山忽作婦人身就裏機緣亦夙因假使半途不漏語傍人依舊羨朱陳  
夢合熊羆掌上珍生兒從父定超羣如今懸有封侯印虎子何人滅寇氛

清

女虎

錢塘  
翟祐

旅館相逢不偶然人間自有惡姻緣書生耽色何輕命三載真成抱虎眠

後趙

虬筆 二首

張寶

自從離世上何地隱吾身細草山中路淡烟溪畔村春風吹恨骨夜月照孤魂欲說前朝事吞聲淚滿襟天王起鉅鹿推我作謀成苦志披金甲清談笑竹林身因劉曜死志為石宏申寒食誰無主荒邱我有身一生徒老矣安得上麒麟

明

夏過桃林寺懷汴上人 二首

郝良臣

再到香巖寺深懷連汴公談經千劫透演法五門通虎錫徒塵暗龍孟只水空倚龕惆悵久不覺月生東再到桃林寺凭欄意惘然高情懷舊衲小集憶先年雨浥禪堂暗風摧佛舍偏殘碑磨認罷涕淚一潺湲

次張景公虬詩韻

趙三麒

羣雄爭逐鹿許國敢謀身苦戰思回趙幽棲不計村野狐欺塚破螢火導詩魂赤帝終難遇猶題漢上

襄垣縣志

卷之四 士女傳

三十八

襟

又排律

右侯殊了了大雅失臣臣鐵草排雲騎龍蛇畏羽林主知恒自負天奪豈求申妙算恢前烈精靈顯後身寂寥千古梵誰後續悲麟

麻衣

劉龍

何日麻衣創此基空庭春暮落辛彝人間福地誰當勝林下問身我亦奇涪水諸天歸社集廬山高社入陶詩日長話罷三生事暫向河干理釣絲

再遊如常院

郝良臣

禪院重臨聽說經天花正對雪花零山僧時與供藜藿野老頻來送醪醢蓮社參禪千慮歇石壇問法寸心醒焚香自笑塵汗久有愧如來淨手瓶

廐亭崔生遇虎事

崔生抱虎自前緣試問今人敢共眠古廟墻間留勝蹟殘碑石上誌鴻篇徘徊甕井今何在髣髴妖形不記年漫說世間無怪事尙留佳話至今傳

續志雜紀

道光十二年邑侯張修理張右侯瑩域並記該處好義紳士從九品銜李將出捐墓前地二畝武生陳

奪魁捐墓前地一畝童生李懷瑾捐墓旁地一畝二分童生李毓澄捐墓後地一畝以作祀田共糧銀四錢一分九厘五毫祿米五合六勺更名張永垂入故縣里一甲完納其地交下良水碾兩村保約召佃承種每年租利除完賦外爲春秋祭掃隨時加土養樹之費不得日久而懈

舊傳言嘉慶年間邑中瘟疫大作每至夜分輒聞有叩門者曰散瘟疫人無敢應聲一夜西街李姓家聞叩門聲方驚惶間忽聞有止之者曰勿叩叩此家素不食牛肉應免瘟疫遂寂然後果闔家安然無恙夫果報之說古訓昭然而食牛之禁勸戒尤嚴且感應篇陰隲文所載證驗類此者甚多此事雖屬傳語而揆之於理實不誣也因記之以示勸云

按西街李氏累世書香素多善行所云不食牛肉其家固有是戒亦宜有是報於事於理確可徵信慎勿以傳語而忽之也 邑

係衝途每遇大差必須點驗騾馬以支應用向來凡點用騾馬發錢若干其未經選用并出外騾馬幫錢若干用少幫多不足以昭公允同治八年署縣程公酌定章程議立規條日後辦理差務不得任意加添是亦利民之一事也邑人因勒石以垂久遠

碑立大堂西偏